

619/2  
1988

ეროვნული  
ბიბლიოთეკა



ISSN 0130-1624

# ბარბა

მარტი  
№ 3 1988



შესანიშნავი სამეული

ფოტოგრაფი ბონდო დვალისვილისა

# საინფორმაციო ცნობა

## საგჭოთა კავშირის კომუნისტური

### პარტიის ცენტრალური

#### კომიტეტის პლენუმის შესახებ

1988 წლის 17-18 თებერვალს შედგა სკკპ ცენტრალური კომიტეტის მო-რიგი პლენუმი. პლენუმში გახსნა სკკპ ცენტრალური კომიტეტის გენერალურმა მდივანმა მ. ს. გორბაჩოვმა. პლენუმმა განიხილა საკითხი „საშუალო და უმაღლესი სკოლის გარდაქმნის მიზანმიმართული და პარტიის ამოცანები მისი განხორციელების საქმეში“. ამ საკითხზე მოხსენება გააკეთა სკკპ ცენტრალური კომიტეტის პოლიტიბიუროს წევრმა, ცენტრალური კომიტეტის მდივანმა ი. ა. ლიბაჩოვმა.

სხდომაზე მოხსენების გამო გამართულ კამათში გამოვიდნენ ამხანაგები: მ. ი. სიტნიკოვი — სკკპ ირკუტსკის საოლქო კომიტეტის პირველი მდივანი, ფ. ტ. მორგუნე — უკრაინის კომპარტიის პოლტავის საოლქო კომიტეტის პირველი მდივანი, ნ. მ. მარშოვი — ქ. პერმის ფ. ე. ძერჟინსკის სახელობის მაქანათსაშენებელი ქარხნის საწარმოო გაერთიანების გამმართველი, მ. ი. მირონენკო — საკავშირო ალკ ცენტრალური კომიტეტის პირველი მდივანი, მ. ტ. სანიკინი — მოსკოვის სახალხო დემუტატთა საქალაქო საბჭოს აღმა-სკომის თავმჯდომარე, მ. ა. კოსტინი — სსრ კავშირის მეცნიერებათა აკადემიის ვიცე-პრეზიდენტი, სსრ კავშირის მეცნიერებათა აკადემიის ციმბირის განყოფილების თავმჯდომარე, ა. მ. ბაბირკოვი — აზერბაიჯანის კომპარტიის ცენტრალური კომიტეტის პირველი მდივანი, ა. ბ. ვინნიკოვი — ესტონეთის კომპარტიის ცენტრალური კომიტეტის პირველი მდივანი, ბ. ა. ნიკოლოზი — სსრ კავშირის უმაღლესი და საშუალო სპეციალური განათლების მინისტრი, მ. ს. შვიჩენკო — უკრაინის სსრ უმაღლესი საბჭოს პრეზიდიუმის თავმჯდომარე, ნ. ა. ნაზარბაევი — ყაზახეთის სსრ მინისტრთა საბჭოს თავმჯდომარე, მ. ბ. კოლმესნიკოვი — სსრ კავშირის ელექტრონული მრეწველობის მინისტრი, მ. მ. მარკოვი — სსრ კავშირის მწერალთა კავშირის გამგეობის თავმჯდომარე, ი. ფ. სოლოვიოვი — სკკპ ლენინგრადის საოლქო კომიტეტის პირველი მდივანი, ე. ე. სოკოლოვი — ბელარუსიის კომპარტიის ცენტრალური კომიტეტის პირველი მდივანი, ა. ვ. ვლასოვი — სსრ კავშირის შინაგან საქმეთა მინისტრი, ჯ. ი. პატიაშვილი — საქართველოს კომპარტიის ცენტრალური კომიტეტის პირველი მდივანი, ა. ა. ლოგუნოვი — სსრ კავშირის მეცნიერებათა აკადემიის ვიცე-პრეზიდენტი, მოსკოვის მ. ვ. ლომონოსოვის სახელობის სახელმწიფო უნივერსიტეტის რექტორი, ბ. ი. უსმანოვი — სკკპ თათრეთის საოლქო კომიტეტის პირველი მდივანი, მ. ი. მარჩუკი — სსრ კავშირის მეცნიერებათა აკადემიის პრეზიდენტი, მ. ი. ზორბალცევი — სკკპ ტომსკის საოლქო კომიტეტის პირველი მდივანი, ა. დ. ლიზინი — საბჭოთა არმიისა და სახმედრო-საზღვაო ფლოტის მთავარი პოლიტიკური სამმართველოს უფროსი, ე. მ. ჩახარინი — რსფსრ მინისტრთა საბჭოს თავმჯდომარის მოადგილე, ა. ს. დემირჰიანი — სომხეთის კომპარტიის ცენტრალური კომიტეტის პირველი მდივანი, ს. ა. შალაპოვი — საკავშირო პროფსაბჭოს თავმჯდომარე, წ. ი. გორკოვი — სკკპ კრასნოდარის მხარის კურგანსკის რაიკომის პირველი მდივანი, ა. პ. დუშინი — სსრ კავშირის პროფესიულ-ტექნიკური განათლების სახელმწიფო კომიტეტის თავმჯდომარე.

პლენუმზე ვრცელი სიტყვა წარმოთქვა სკკპ ცენტრალური კომიტეტის გენერალურმა მდივანმა მ. ს. გორბაჩოვმა.

პლენუმმა განსახილველ საკითხზე მიიღო ვრცელი დადგენილება. პლენუმმა ამხ. მ. ს. გორბაჩოვის გამოსვლის გამო მიიღო დადგენილება. პლენუმზე განიხილეს ორგანიზაციული საკითხები. პლენუმმა აირჩია ამხ. ი. დ. მასლინიკოვი სკკპ ცენტრალური კომიტეტის პოლიტიბიუროს წევრობის კანდიდატად.

პლენუმმა აირჩია სკკპ ცენტრალური კომიტეტის მდივანი ამხ. ბ. პ. რაზუმიკოვი სკკპ ცენტრალური კომიტეტის პოლიტიბიუროს წევრობის კანდიდატად.

პლენუმმა სკკპ ცენტრალური კომიტეტის მდივნად აირჩია ამხ. ი. დ. ბაბლანიკოვი.

პლენუმმა ამხ. ბ. ნ. ელიჩინი გაათავისუფლა სკკპ ცენტრალური კომიტეტის პოლიტიბიუროს წევრობის კანდიდატის მოვალეობისაგან.

პლენუმმა სკკპ ცენტრალური კომიტეტის წევრობის კანდიდატობიდან წვერებად გადაიყვანა ამხანაგები მ. ი. გოლოვინი — სკკპ ცენტრალური კომიტეტის საერთო განყოფილების გამგე, ნ. მ. ბელმრტი — ყაზახეთის სსრ ამანგელდის სახელობის საბჭოთა მეურნეობის მექანიზატორი, მ. ი. მირონენკო — სრულიად საკავშირო ალკ ცენტრალური კომიტეტის პირველი მდივანი.



პროლეტარებო ყველა ჭკვენიხა, შეერთდით!

ქართული  
ბიულეტენი

# დროშა

№ 3 (615), მარტი, 1988

ჟურნალი გამოდის 1928 წლიდან  
ყოველთვიური საზოგადოებრივ-  
პოლიტიკური და სალიბერატორო-  
სამხატვრო ჟურნალი

## ნომერი ში:

ოთარ ჭინჭალაძე. ბარდაქმნის კვლევები.

ჯემალ მესხიშვილი. ოპერის მერკურის კავალერი.

ყველაზე გულში ჩაიხედოს...

სიმონ გოლჭავაძე. ასი წლის უმადეო!

გივი ჭელიძე. კაცი თავის ადგილზე.

რემ დავილოვი. ქართველი მუშაკ-ტიერი.

ლაგარა თელია. თბილისში ერთი სახლია...

ზალვა კინწუშაშვილი. ლაზარეს უჯრა (დასაწყისი).

მარინა ცვეტაევა. ნატალია გონჩაროვა.

თამარ გომარტელი. ეკრანის მუშა-ნება.

ნუგზარ ბარდაველიძე. გინესის წიგნი.

ლევან დოლიძე. ზღვის რაინდი.

საპარტველოს კვ. ცა-ის გამოცემა

© „დროშა“, 1988 წ.

## მთავარი რედაქტორი


ოთარ ჭინჭალაძე

## სარედაქციო კოლეგია:

ბუნაბა ბახტაძე (პ/მგ. მდივანი), ოთარ ბერიშვილი, ვასილ გვეტაძე, ნათელა გიორგობიანი, ოთარ დემეტრაშვილი, სერგო დურმიშიძე, ვახტანგ ანკაწკია, ჯემალ მესხიშვილი, დინარა ნოდია (მხატვარ-რედაქტორი), ლადო სულაბერიძე, ილია ტაბაღაძე, ნუგზარ ფოფხაძე, გიორგი ჩარკვიანი, უჩა ჯაფარიძე.







რა მაგალითები გვაქვს ირგვლივ? განა მერე ვინმე არჩევს, სად არსებობს სიყვარული და სად ბოროტება და ადამიანობა?

**ირაკლი ტაბლიაშვილი.** ცხოვრებაში სიკეთე ხშირად ანგარებით არის. სამაგიეროს ელოდებიან. რამდენჯერ გამოვიდა უფროსებისაგან, სიკეთე არ დამიფასდაო.. ზოგჯერ იმის შიშით არ აკეთებენ სიკეთეს, ვაითუ სამაგიერო ვერ მივიღოთო. ეს უკვე სიკეთე აღარ არის. მერე იმასაც გააჩნია, ვინ აკეთებს სიკეთეს, სად და როგორ. მაგალითად, ჩემი სკოლის წინ ავტონისპექტორი დგას მანქანით. ჩვენ უნებლიე მოწმენი ვხვდებით, როგორ „მუშაობს“ იგი. ხომ შეიძლება, ეს მძარცველიც სადღაც ვილატისთვის კეთილი იყოს?

**თამარ ბახტაძე.** სიკეთე ხშირად მატერიალურ მხარეს უფრო გულისხმობს. თუ ადამიანი ორი კვირა ხელფასს უცდის, რომ ოჯახი როგორმე არჩინოს, იმან როგორ გამოავლინოს თავისი სიკეთე მეგობრებთან, ანლობლებთან თუ ნათესავებთან? ვის სჭირდება მისი კეთილი გული?



რედაქციას ეწვია თბილისის პიონერთა და მოსწავლეთა რესპუბლიკური სახახლის ჰუმანიტარულ მეცნიერებათა განყოფილების აქტივი. დედაქალაქის სხვადასხვა სკოლის უფროსკლასელებმა ზედმიწევნით გულახდილად ისაუბრეს, იკამათეს. წარმოჩნდა პრობლემები, თანატოლთა საერთო საწუხარი, რომელიც წლების მანძილზე იკიდებდა ფეხს და მკვიდრდებოდა ჩვენს ცხოვრებაში. ბრალი კი ამაში მთელ საზოგადოებას, თითოეულ ჩვენგანს მიუძღვის.

...და რაკი მოვალენი ვართ, განსაკუთრებული ყურადღებით, სისათუთითა და შროუნველობით ვეპყრობოდეთ ჩვენს მომავალ თაობას, სწორედ თითოეულმა ჩვენგანმა, მთელმა საზოგადოებამ თავისად უნდა მიიღოს მათი სატკივრი.

**მაია ბერიძე.** სიყვარული? ღირს კი ჩვენი საუბარი სიყვარულით დავიწყოთ? მე მაგალითად, არ მჯერა, რომ ახლა არსებობს ჰუმანიტარულ მალალი გრძნობა, არც მგონია, რომ ვინმე შემეყვარდება.

**მაია მეტრეველი.** წინათ ჩვენი ასაკის ქალიშვილებს უკვე ოჯახები ჰქონდათ, შვილებს ზრდიდნენ. მერე ახალი დრო დადგა და ჩვენი დიდი ბებიები, ბებიები და იქნებ დედებიც მალავდნენ, რომ უყვარდათ. ერიდებოდათ მშობლების, მასწავლებლების, მეგობრებისა? კი... ახლა ეს პრობლემები მოიხსნა. აღარავის უკვირს ჩვენს ასაკში სიყვარული. ჩვენ ამას ცოტა წაგვათამამა და სატრიახოდაც კი გავიხადეთ იგი. თავი მოგვწონს — გაუთავებლად ვლაპარაკობთ, ვის ვუყვარვართ, ვინ გვიყვარს...

**კიაზო სივსივაძე.** ეს ასეც უნდა იყოს. მე მგონი, საამაყოა, როცა გიყვარს ან უყვარხარ.

**მაია მეტრეველი.** სიამაყე გულში უნდა გქონდეს. შესაძლოა, ყველაფერზე დაგეტყოს ეს — გარეგნობაზე, ქცევაზე... მაგრამ სიტყვები აქ ზედმეტია. თანაც, რა არის საამაყო, როცა ყველაფერი ლაპარაკით მთავრდება და იმის იქით სიცარილეა.

**ირინა ბეგიაშვილი.** ჩვენს დროშიც უხდებათ სიყვარულის მალვა. ეს მაშინ, როცა სხვა წრიდან შეუყვარდებათ. რალაც დაუწერელი კანონი შემოვიღეთ: თუ ჩვენი მეგობრები ათვალწუნებით უყურებენ ვინმეს და სიახლოვეს არ იკარებენ, ჩვენ,

კარგი  
მაგალითი  
გვჭირდება,  
კარგი!

# ყველაზე ბუნური ჩაისუღოს!

ძალიანაც რომ გვიყვარდეს, უნდა დავფაროთ, უნდა ვითვალთმაქცოთ...

**კიაზო სივსივაძე.** რატომ ვიყოფით რალაც წრეებად? რისი მიხედვით? ესეც ჩვენი ნაკლია. რაც შეეხება სიყვარულს, მე ვერ დაგეთანხმებით. ნამდვილი სიყვარული იყო, არის და იქნება. მხოლოდ ის არის, რომ ჩვენ ხშირად ვერ გავგორჩევია სიყვარული გატაცებისაგან.

**ინო ტარაშვილი.** ჩვენს თაობას შეუძლია სიყვარული. თუმცა, უნდა ვადიაროთ, პროპორციები მართლაც შეიცვალა. მსუბუქი გატაცებებიც არსებობდა ყოველთვის, ყველა ეპოქაში, მაგრამ ახლა საკმაოდ გახშირდა.

**ირინა ბეგიაშვილი.** ჩემს მეგობარს სამი წელია უყვარს ბიჭი. მას მხოლოდ ესალმება. სხვა არავითარი ურთიერთობა არა აქვს და არც ცდილობს დაახლოებას. ეშინია, რაიმე არ გაუბრალოვდეს, არ გაქრეს... არ ვიცი, ეს ცუდია, თუ კარგი. ისე, მომწონს, ასეთი ლამაზი გრძნობაც რომ არსებობს ამქვეყნად.


**მაია ბერიძე.** რაც არ უნდა ვთქვათ, სიყვარული თვისებრივად შეიცვალა — საკმაოდ ხანმოკლე გახდა. ასე რომ არ იყოს, განა ამდენი განქორწინება იქნებოდა? განა ამდენი ოჯახი დაინგრეოდა?

**ირმა მოდებაძე.** ძალიან ცოტას, მაგრამ მაინც მოიძებნებიან ადამიანები, ვისაც კეთილი გულის სიტბო და უანგარო დამოკიდებულებები სჭირდება. ზოგისთვის ერთი კონა ია ყველაფერზე ძვირფასია...

**ირინა ბეგიაშვილი.** ნუ მოვიტყუებთ თავს. ერთეულებით არ არის ეს ცხოვრება. სიკეთე ბოროტების წინაშე ყოველთვის უმწეოა. უმადურობა და ბოროტება კლავს სიკეთეს.

**ვახიკო იორამაშვილი.** სიკეთისათვის რამდენი ადამიანი დასჯილა. ამას ხედავს ერთი, მეორე, მესამე... მეასე... და თუ ადამიანი სიკეთის სისუსტეს გრძნობს და არც ბოროტების გაკეთება შეუძლია, უკეთეს შემთხვევაში, იგი ინერტული, უმოქმედო ხდება. ამიტომ არიან დღეს კეთილშობილი ადამიანები თითქოს ყველაფერს „შეგუებულნი“.

**ირაკლი ტაბლიაშვილი.** როგორც ზოგი ადამიანი ფიზიკურად ან გონებრივად ძლიერია და ზოგი სუსტი, ასეა სიკეთეც. ზოგში მეტია იგი და ზოგში ნაკლები. მასაც განვითარება სჭირდება. ეს არის, რომ კაცმა ათი სიკეთე რომ გააკეთოს და ერთი ბოროტება, ხალხი ამ ერთს დაინახავს.



**ირმა მოდებამე.** კეთილი ადამიანი ბოროტებას ვერ ჩაიდენს!

**ნიკო ტარყაშვილი.** მე მგონია, სიკეთისათვის არის ადგილიც და დროც, მაგრამ ისინი ერთმანეთს უნდა დაემთხვას, რაც ჩვენს პირობებში იშვიათად ხდება...

**მაია ბერიძე.** იმისათვის, რომ ჭეშმარიტად გიყვარდეს, ცხოვრებაში ავისა და კარგის ვარჩევა შეგეძლოს, პირველ რიგში პიროვნებად უნდა გრძნობდე თავს. ჩვენ რა საფუძველი გვაქვს იმისა, რომ პიროვნებად ვიგრძნობთ თავი?

**კიაზო სივსივაძე.** ყოჩაღ, მაია, მართლაც მტკივნეული პრობლემა წამოჭერი. დავსვათ საკითხი და ვიმსჯელოთ: სად ვგრძნობთ თავს პიროვნებად?

**ალექსანდრე ბეჟაშვილი.** ოჯახში სულ ბავშვები ვართ, რომელთაც სჭირდებათ სიყვარული, მოვლა, პატივობა, ხელის შეწყობა, მზრუნველობა... რაც უნდა გავიზარდოთ, ოჯახში მუდამ ბავშვებად ვრჩებით.

**კიაზო სივსივაძე.** ეს უკეთეს შემთხვევაში. არსებობს უარესებიც. დანგრეული ოჯახებით გულისტკენა. შეილისადმი უხეშობა, პასუხისმგებლობის გრძნობის უქონლობა. რამდენჯერ მიინახავს, დედა ჩვენს ტოლ ბიჭს ასე მიმართავს საზოგადოებაში: „გადმოეთრე აქეთ, დაეგდე მანდ და მეორედ აღარ გამაგონო ეს“... რა უნდა გაიზარდოს იგი? რა პიროვნება ჩამოყალიბდება მისგან?

**მაია ბერიძე.** მართლაც, ბევრ ჩვენს თანატოლს აყენებს დიდ ტრავმას ოჯახი, საზოგადოება. ტრანსპორტში, ქუჩაში, ბაღში ზოგჯერ უფროსი ისეთ შენიშვნას მოგვეცემს და ისეთი ტონით... ზოგს ჰგონია, რაკი უფროსია, ყველაფრის უფლება აქვს. ბავშვში და მოზარდში არაფერს ეძებს, ხელავს პიროვნებას.

**მაია ბერიძე.** რა პიროვნებაზეა ლაპარაკი. იმ დღეს ერთი ქალიშვილი ყვებოდა, მასწავლებელი თურმე კლასში ორმოც ბავშვს ასე მიმართავს: თავს მოგჭრით და ხელებში მოგცემთ, ტვინს ამოგასხმევენებო...

**კიაზო სივსივაძე.** მიცვალებულეთა, საფლავის ქვებო, მკვდარო სულებო! ზოგი მასწავლებელი ასე მიმართავს ბავშვებს... ნუ ბუყბუყვებთ მყრალი ჭაობივითო — ერთს ასეც უთქვამს.

**ირაკლი ტაბლიაშვილი.** მასწავლებელი ავტორიტეტი უნდა იყოს და არა ავტორიტარული, როგორც ხშირად არიან.

**მაია ბერიძე.** ზოგიერთ მასწავლებელს კიდევ ეუხერხულება, რომ გაკვეთილზე მოსწავლემ სახელმძღვანელოში ჩაიხედოს, იმდენად ვერ სცილდება მას... მასწავლებელმა მოსწავლე გაკვეთილისადმი ყურადღებით რომ განაწყოს, ყვირილი, ცარცისა და სახაზავის სროლა კი არ არის საჭირო, არამედ დიდი განათლება და ზედმიწევნითი ადამიანურობა. განათლებაში მე სასკოლო პროგრამის ციფ, არაშემოქმედებით ცოდნას არ ვგულისხმობ, რომელიც რაღაც ჩარჩოებში გამწყვდევს და ტრაფარეტულ აზროვნებას გვაჩვენებს.

ის, ვისაც არ ძალუძს ერთფეროვანი გაკვეთილების გულგრილად ატანა, ზოგჯერ ცდილობს, გეზი მისცეს, გამოაცოცხლოს მოსაწყენი წუთები, რაღაცას იკითხავს, რომელსაც ბუნებრივად უნდა მოჰყვეს საინტერესო საუბარი. მაგრამ... თავისუფალ აზროვნებას ჩვენი მასწავლებლები მხოლოდ მდგომარეობიდან გამოჰყავს. ასეთი მოსწავლე მაშინვე „ანტი-საზოგადოებრივი“, გაკვეთილის „ამრე-

ვი“ ხდება და იწყება კონფლიქტი, არადა, რა აზრი აქვს გაკვეთილს თავისუფალი აზროვნების გარეშე? არცოდნა კიდევ არ არის ისეთი ცოდვა. ასეთი მასწავლებელი თავისთვის არის, მოსწავლეები—თავისთვის, ვითომ „მცოდნე“ მასწავლებელი უფრო საშიშია. ის თავის კონსერვატორულ დამოკიდებულებას ახვევს თავს მოსწავლეებს და მოითხოვს, უკრიტიკოდ მიიღონ. არაფერს არ ცდილობს, რაიმე ისწავლოს მოსწავლისაგან... თუნდაც მის ინტერესებს გაუწიოს ანგარიში.

**მაია ბერიძე.** ისტორიის გაკვეთილზე მთელი კლასი ემოციონირებული. ყველა მობილიზებულია, ყველა აზროვნებს და ეს ხდება თავისუფლად, ყოველგვარი ძალდატანების გარეშე... ეს შეძლო ჩვენმა მასწავლებელმა.

**ირინა ბეგიაშვილი.** ასეც ხდება: მასწავლებელი განათლებულია, არც პროგრამით იზღუდება, თავისუფლად აზროვნებს, ჩვენ კი მას ვერ ვუვებთ. ჩვენ გვყავდა ასეთი ახალგაზრდა მასწავლებელი. ცდილობდა, ბავშვებთან ახლოს ყოფილიყო, აზროვნებდა, ჩვევს ვეჩვენებდა. პედაგოგიკაში შეიძლება, ბავშვებმაც ვერ დავიცავით, თუ სურვილი არ გვქონდა... რატომ არ უნდა გვქონდა? რატომ არ ვიყავით პრინციპულნი? ჩვენც ბევრს ვცოდავით.

**ხათუნა მჭედლიშვილი.** ჩვენ ასეთ პიდაგოგებსაც ვერ ვუვებთ ხშირად და... რბილად რომ ვთქვათ, ძალიან ცუდად ვეპყრობით.

**მაია ბლიაძე.** ზოგიერთ ჩვენს თანატოლს ყველა საპროგრამო ლექსი და მოთხრობა სძულს. განა ეს მართალია?

**კიაზო სივსივაძე.** რამდენი მოსწავლე რამდენ სკოლაში არ შედის გაკვეთილზე, როცა მასწავლებელი გალაქტიონის ახსნას იწყებს. არ უნდათ, საყვარელი მწერალი დაამკვირონ მისი მოსმენით. არც გამსახურდიაზე შედიან! ამგვარ დამოკიდებულებაში მართო მასწავლებელი და მოსწავლე არ არიან დამნაშავენი. რაღაც ვერ არის მოწყობილი ისე, როგორც საჭიროა. ზოგჯერ მასწავლებლებს ოთხი-ხუთი კლასი ჰყავს, მეტიც... განა შეიძლება, ორასი ბავშვის ინტერესები დააკმაყოფილოს ერთმა ადამიანმა, ან ყველას ხასიათი ინდივიდუალურად შეისწავლოს... ან რატომ უნდა იყოს კლასში ორმოცი მოსწავლე?

**ნიკო ტარყაშვილი.** როცა პატარები ვართ, იოლად მივდივართ მასწავლებელთან. გვიყვარს კიდევ იგი. ამ მასწავლებელმა ჩვენი ხასიათიც იცის და შესაძლებლობებიც. ახალ მასწავლებელს ბევრ რამეში გამოადგება ამგვარი მასწავლებლის რჩევა ბავშვებთან ურთიერთობაში. მოსწავლის ინდივიდუალურ ხასიათს ანგარიშს ბევრი როდი უწევს...

**ალექსანდრე ბეჟაშვილი.** სურვილიც არა აქვთ ამის. ყველა თავისას გვაჯავლებს მხოლოდ, ყველა თავისას ითხოვს და ყველაფერი ეს ისე ბევრია და იმდენად შეუძლებელია მათი შესრულება... ზერელობასაც იმიტომ მივეჩვიეთ და ურთიერთობებიც იმიტომ დაიძაბა.

**მაია ბერიძე.** სწორედ ყველაფერს ერთნაირად რომ ვსწავლობთ, იმიტომ არის, რომ მოსწავლე სკოლაში თავის თავს ვერ პოულობს! იმიტომ არ აბარებს ხშირად იქ, სადაც უნდა აბარებდეს. მერე ვერ ასრულებს თავის მოვალეობას ისე, როგორც საჭიროა, რადგან თავისი პროფესია არ უყვარს, არ იცის...

**კიაზო სივსივაძე.** იმიტომ არ უნდა იყოს

სწავლა იძულებით. ბავშვს რაც აინტერესებს, ის უნდა ისწავლოს. ნიშნები და „არები“ მოსწავლის ლაგამია მხოლოდ.

**ნიკა ველაშვილი.** ხომ არიან, ბავშვები რომელთაც არაფერი არ აინტერესებთ?

**მაია ბერიძე.** უინტერესო ბავშვი არ არსებობს. ბავშვის ნიჭსა და შესაძლებლობებს გამოვლენა სჭირდება. ამ საქმის გამკეთებელი კი ცოტაა.

**ნიკო ტარყაშვილი.** მე მიინახავს მაია ბერიძის ჩანაწერები. სკოლაში ოდნავ მაინც რომ შეიცვალოს პირობები, მას აუცილებლად მიიჩნია: გახშირდნენ ნოვატორი მასწავლებლები, მოისპოს სავალდებულო სწავლება, სწავლება მიმდინარეობდეს ინტერესების მიხედვით, შემცირდეს პროგრამა. როგორ დაასაბუთებ, მაია, შენს მოსაზრებებს?

**მაია ბერიძე.** ჩემი აზრით, ასე გამოყოფილნი არც უნდა იყვნენ ნოვატორი პედაგოგები. ყველა პედაგოგი თავისებურად ნოვატორი უნდა იყოს და სულ იმას ფიქრობდეს, რა გზები და ხერხები იპოვოს იმისათვის, რომ თავისი საგანი საყვარელი და საინტერესო გახადოს მოსწავლელისათვის...

**კიაზო სივსივაძე.** ეს მაშინ მოხდება, როცა პედაგოგი მოწოდებით იქნება პედაგოგი და არა შემთხვევით მისული სკოლაში...

**მაია ბერიძე.** სწავლა სავალდებულო რომ არის, იმიტომ იქცა დოგმად, მოსაცილებლად... ბავშვს რაც აინტერესებს თუ იმას ასწავლი, ძალდატანება აღარ იქნება საჭირო. რაც შეგნებულად კეთდება, შედეგი მხოლოდ იმას აქვს.

ჩვენს ოჯახში ნიშანი დიდი ტრავმაა, დიდი სანერვიულო რამ. და ეს ხდება იმიტომ, რომ დედაჩემი ლამის ცვლაში მუშაობს, ძალიან წველობს. მას მიიჩნია, რომ მე თუ კარგად ვისწავლი და უმაღლესს დავამთავრებ, იოლად ვიცხოვრებ.

ყველამ კარგად ვიცით, რომ იმის საფუძვლიან სწავლას, რასაც სკოლაში ყოველ გაკვეთილზე გვაძლევენ, სულ მცირე შეიღობა-რვა საათი მაინც სჭირდება. თუ ამას გააკეთებ, ვერ წაიკითხავ შენთვის საინტერესო წიგნს, ვერ ნახავ ფილმს, სპექტაკლს, ვერ ივლი სპორტზე... ერთი სიტყვით, იქცევი მანქანად. რაც მთავარია, არ გეყოლება მეგობრები, ვინაიდან შენ მათთვის ვეღარ მოიცილი.

**ნიკო ტარყაშვილი.** არა ხარ, მაია, მართალი, მე ფრიადოსანი ვარ და შენ კარგად იცი, რამდენი მეგობარი მყავს.


**ნიკო ნანობაშვილი.** არც მე მაკლია მეგობრები. კარგ ნიშნებზე სწავლა სულ არ მიშლის ამაში ხელს.

**მაია ბერიძე.** როცა მეგობრებთან გაატარებთ ორ-სამ საათს, მერე როდის ინახლაურებთ ამ დროს?

**ნიკო ნანობაშვილი.** ღამე. ხან ორ-სამ საათამდე ვმეცადინებო.

**მაია ბერიძე.** ეს ხომ უკვე ცხოვრების არანორმალური პირობებია. თქვენ ერთხელ არჩეული გზით დაბეჭითებით სვლას ახერხებთ საკუთარი ძალების დიდი დამაბვი. ეს დღეს თუ არა, ხვალ შედეგს გამოიღებს. იმიტომ არის, რომ ბიჭები მაღალ კლასებში ნაკლებად არიან ფრიადოსნები. ამ დროს დგება არჩევანი — მეგობარი თუ სწავლა. ვის გაამტყუნებ, თუ პირველს აირჩევს...

**კიაზო სივსივაძე.** რაც მართალია, მართალია. ჩვენ სულ არა გვაქვს თავისუფალი დრო. ჩვენ თვითონ კი ვაძლევთ მას



ჩვენ თავს. მაგრამ... მერე დაიწყებენ ლაპარაკს, რაში დავეხმარეთ ახალგაზრდობას, რომ სწორედ გამოიყენოს თავისუფალი დრო, ჰკვიანურად გაანაწილოსო. რაც უფლებით არ გვაქვს მონიჭებული, იმის გამოყენებაში როგორ გვეხმარება?

**მაია მეტრეველი.** როდის ვსწავლობთ სიყალბეს?

**ალექსანდრე ბუაშვილი.** ყოველ ნაბიჯზე. მაგალითად, კომკავშირის კრებაზე.

**მაია ბერიძე.** რამდენიც გნებავთ უფროსკლასელი შეგნებულად არ შედის კომკავშირში. იგობლებს თავისუფალ დროს. არაფრისმთქმელ კრებას თუ გააცდენ, დაგაბრალებენ საზოგადოებრივ ცხოვრებაში არ მონაწილეობთ. არადა, ეს ყველაფერი ხომ ფორმალურია. რა შეიცვალა იმის შემდეგ, რაც გულანდილად და პრინციპულად ჩატარდა საკავშირო კომკავშირის ყრილობა?

**ირაკლი ტაბლიაშვილი.** აი, მაია მეტრეველი სკოლის კომკავშირის კომიტეტის მდივანია. იმისათვის რომ უფრო საინტერესო გაგხადო კომკავშირული ცხოვრება, რა ვაკეთებ, მაია, შენ?

**მაია მეტრეველი.** ვერც ვაკეთებდი. ათ ბავშვს დაიბარებ, ორი მოვა ან ისიც არა. არავის არაფერი აინტერესებს. რაზმის ხელმძღვანელები უნდა აგვეჩიხა, სანამ არ ვუთხარით ეს ინსტიტუტში შესვლაში დავეხმარებათო, მანამდე არავინ დაგვთანხმდა.

**ნინო ტარყაშვილი.** როცა კომკავშირი შეიქმნა, მაშინ მას მიზანი ჰქონდა. დროის ინტერესებს ემთხვეოდა ეს მიზანი. ახლა დრომ სხვა ინტერესები მოიტანა, კომკავშირი კი ჩამორჩა. იმიტომ დავკარგეთ ინტერესი, რომ ვიცით, იქ ყველაფერი ისე ხდება, როგორც ოცი-ოცდაათი წლის წინათ ხდებოდა. ერთი საქმეში ჩახედული მოსწავლე ამბობდა, მოხსენებებიც კი მეორდება, მარტო ციფრებსა და ფაქტებს ცვლიანო.

**მაია ბლიაძე.** მეც სკოლის კომკავშირის კომიტეტის მდივანი ვარ. ჩვენ ნაწილობრივ უკვე შევძელით, დაგვერწმუნებინა კომკავშირელები, რომ თავად არიან ყველაფრის ბატონ-პატრონი, თითოეულმა თავად უნდა მოიფიქროს ის, რაც საინტერესოს გახდის კომკავშირულ ცხოვრებას. ბევრი სიახლეებიც გვაქვს.

**ირინა ბეგიაშვილი.** ჩვენ თვითონაც უინტერესონი გავხდით, პიონერთა სასახლეში ხომ ჩვენი სურვილით დავდივართ, ხომ არავინ გვაძალღებს?

**მაია ბერიძე.** სიამოვნებით დავდივართ, მაგრამ იცით, ამ ოთხი წლის წინ მე რა მიზნით შევდგი ფეხი პიონერთა სასახლეში? ჩემი ჰკუთით, კარგად უნდა მესწავლა ლექსის წერა, რათა „მეშოვა“ ფული და ჩემთვის მარმარილოს აბაზანა გამეკეთებინა. იქ შევხვდი მასწავლებელს, რომელმაც „თავდაყირა დააყენა“ ყველაფერი, მე ახლა სულ სხვა ადამიანი ვარ.

**ნინო ტარყაშვილი.** ზოგიერთ მასწავლებელს მართლაც შეუძლია კეთილი საწყისის გახსნა.

**ირინა ბეგიაშვილი.** ჰოდა, ჩვენმა მასწავლებელმა რომ ვეთხოვა, სიტყვები მოამზადეთ, დედაჩემს ძეგლთან პატარა მიტინგი ჩავატაროთო, რატომ არ შევასრულეთ? მას ხომ არ უნდოდა, ჩვენთვის თავს მოეხვია ღონისძიება, წინასწარგამზადებული სიტყვები დაერეებინა. განა დედაჩემს ძეგლთან ქართველ ბავშვებს

სათქმელი არ უნდა გვექონოდა? ესეც კომკავშირი და ძალდატანება?

**კიაზო სივხიაძე.** იმდენ სიყალბეს ვუყურებთ, მართალზე და გულისმიერზე გულგრილნი გავხდით. ისე, რატომ არ შეიძლება, ის ვაკეთოთ, რაც გვინტერესებს და ამას კომკავშირული ღონისძიება ერქვას?

**მაია მეტრეველი.** საკონფერენციო თემებს ორი კვირით ადრე დაარსებენ, თითქოს მანამდე არ იცოდნენ, რომ საჭირო იყო, აგაჩქარებენ, ბიოლოგიაში იმ ბავშვს მისცემენ, ვისაც დედა ან მამა ბიოლოგი ჰყავს, მათემატიკაში მათემატიკოსის შვილს და ასე...

**ნინო ტარყაშვილი.** განა სიყალბე არ არის? ზოგან ავალბებენ თემას „ჩემი ოჯახი“. თან ეტყვიან, შეგიძლიათ, ხელი არ მოაწეროთო. ვითომ ასე უნდათ გამოავლინონ ნარკომანები, ლოთები, მეძაგები. რომელი მოსწავლე დაწერს გულანდილად ამგვარ თემას? ხომ იცის, ყველა იცნობს მის კალიგრაფიას. ზოგან ავალბებენ თემას — „რას ფიქრობ გარდაქმნაზე“. დაწერენ რასაც ფიქრობენ და იწყება გაუთავებელი ნერვიულობა, რა დაგიწერიათ, ეს თემები რაიკომში როგორ წავიღოთო. ან რატომ აჩვევენ ბავშვებს, ხელმოუწერლად რაიმე წერონ?

**ირაკლი ტაბლიაშვილი.** გარდაქმნა ჯერჯერობით დაეტყო მხოლოდ პრესას და ტელევიზიას.

**ირინა ბეგიაშვილი.** არსი, შინაარსი ჯერჯერობით იგივე რჩება ყველგან და ყველაფერში. როცა საკითხი დგას ახალი სახელმძღვანელოებისა და პროგრამების შედგენაზე, ვისაც ხელეწიფება, უნდა გაითვალისწინოს, რომ მათი შედგენის პრინციპია შესაცვლელი და არა საკითხების ფორმალური გადატან-გადმოტანა. ლიტერატურისა და საერთოდ ყველა საგნის სახელმძღვანელოში პირველ რიგში აღმზრდელობითი პრინციპი უნდა ბატონობდეს. ესა თუ ის მწერალი იმდენად უნდა იყოს საინტერესო, რამდენადაც მოსწავლის ფორმირებას, შინაგანი კულტურის დახვეწას შეუწყობს ხელს. აი, მაშინ შეიძლება ლაპარაკი გარდაქმნაზე. თუ გარდაქმნა ურთიერთდამოკიდებულებაა და ეტყვიან...

**მაია ბერიძე.** ფორმალურია სკოლაში ყველა წრე.

**კიაზო სივხიაძე.** იძულებით გვაწერიან გავხედებ, იძულებით გვირიგებენ კვების ტალონებს. იქამდე მივდივით, გამოგვიცხადებენ თეატრის აბონემენტებია მოსული და ფული მოიტანეთო...

**ვისიკო იორამაშვილი.** აბონემენტებს ზოგან აღარც არიგებენ, მაინც არავის უნდა დაძალებული.

**კიაზო სივხიაძე.** ათასგვარი საზოგადოებრივი კავშირებისათვის, რომლებიც თვალთაც არ გვინახავს და წარმოდგენაც არა გვაქვს, ვიხდით საწევროს...

**ალექსანდრე ბუაშვილი.** რაღაც აუცილებლად უნდა შეიცვალოს. ავიღოთ, მაგალითად, სადღესასწაულო დემონსტრაციები... ორი კვირა მაინც გვაგარჯიშებენ ვწვავლობთ, ვსწავლობთ. დღესასწაულის დღეს საათობით ლოდინით ისე ვიღლებით, როგორ გავიარეთ, როგორ შევასრულეთ ის, რის სწავლასაც ამდენი დრო და ენერჯია შევწირეთ, აღარც ჩვენ გვესმის და აღარც სხვა ხედავს. მხოლოდ გაიარე რაღაც ხომ უნდა შეიცვალოს, რომ ძალით კი არა, სიხარულით მივიღოდე...

ყველა ხომ ხედავს, ყველამ ხომ კარგად იცის, რაც ხდება და როგორც უნდა...

**კიაზო სივხიაძე.** უნდა განმარტოვდეს თავისუფალი აზროვნების მოწყობის საკითხი წავლებლისათვის. მაგალითად, რატომ არ უნდა იყოს საგანგებო კინოდარბაზი „ინტელექტუალური“ ფილმებისათვის. მე და ბევრი ჩემი ინტერესების მოზარდს გვეცოდინება, სად უნდა წავიდეთ, რომ ფილმს მოჰყვეს აზრთა გაცვლა-გამოცვლა, მსჯელობა. ბიბლიოთეკების პრობლემაც სხვაგვარად უნდა გადაწყდეს...

**მაია ბერიძე.** სკოლის ბიბლიოთეკა, ჩვეულებრივ, ღარიბია, თუ ერთ-ორი კარგი წიგნი გამოჩნდა, იმას სამოსწავლოდ არავინ გახდის. საქალაქო ბიბლიოთეკებში, რაც გვინდა, არასოდეს არ არის.

**მაია მეტრეველი.** იქაც ნაცნობ-მეგობარი საჭირო, რომ წიგნი გამოგიჩინონ. უკეთეს შემთხვევაში, თუ პირდაპირ არ მიიღე უარი, შევლენ საცავში და მაშინვე გამოვლენ. იქნებ არც მონახონ, მათი ნება არ არის?

**კიაზო სივხიაძე.** პიონერთა სასახლეშიც ჰყავს. ვფიქრობ, ბიბლიოთეკაში, სადაც ახალგაზრდები დადიან, ახალგაზრდები უნდა მუშაობდნენ. არც სამკითხველო დარბაზი გვაქვს.

**მაია ბერიძე.** ზოგ მოხუცს ძველი რწმენა და მუშაობის ხალისი აქვს გამოყოლილი და ბევრ ახალგაზრდას კიდევ აჯობებს...

**მაია მეტრეველი.** საჯარო ბიბლიოთეკაშიც დავდივართ, მაგრამ მხოლოდ მაშინ, როცა ძნელი და დიდი თემა გვაქვს დასამუშავებელი. ისე, სისტემატურად, თავისი ცოდნის გაღრმავებისათვის, განათლებისათვის იქ დღეს არავინ დადის. დროც არა გვაქვს ამისა...


**კიაზო სივხიაძე.** საუბარი გავვიგრძელებდი. ჩვენს პრობლემებს რა ამოწურავს. ჩვენს მომავალზე მზრუნველმა უფროსებმა ერთი რამ უნდა გაითვალისწინონ: თითქოს რწმენა დაიკარგა, კაცსაც უკვე ეჭვის თვალთ ვუყურებთ, იმდენ რამეს ვხედავთ ცხოვრებაში. კარგი მაგალითები გვაქირდება, კარგი! თორემ რა გამოვიდა, თანდათან ვკარგავთ ხედვის, წინააღმდეგობის, აღმოჩენის, ბოლოს და ბოლოს მეტყველების უნარსაც კი. დღეს სიყვარულის უნარშიც შევიტანეთ ეჭვი. მაშ, რა შეგვრჩა ხელში? განა ამის შემდეგ გასაკვირია, თუ ბოროტება იმძლავრებს და ინავარდებს ამქვეყნად?

**მაია ბერიძე.** ყველამ თუ საკუთარ გულში ჩაიხედა, იქნებ... იქნებ ის მაინც გაიხსენოს, რომ ყოველგვარი კეთილდღეობა დროებითია და წარმავალი. უკვდავია მხოლოდ ის, რაც სულის ნაყოფია, ზოგი ისე ირჩება, თითქოს სიკვდილი არ არსებობდეს ამქვეყნად. თქვენ მეტყვით, ცოცხალი ადამიანი სიცოცხლეზე უნდა ფიქრობდესო მხოლოდ. ვაი რომ, სიკვდილზე ფიქრიც მოითხოვა საჭიროებამ ჩვენს დროში, თორემ... სიხარბემ გადათელა ყველაფერი წმიდათაშიდა.

**მაია მეტრეველი.** არც ჩვენ გვაწყენს, ზოგჯერ საკუთარ თავს კრიტიკულად შევხედოთ, ჩვენზეც ბევრი რამ არის დამოკიდებული.

**კიაზო სივხიაძე.** ყველამ გულში ჩავიხედოთ, ყველამ!





# ასი წლის უკუხეობა!

სიმონ ბოლქვაძე



ლია ჭავჭავაძის დაბადებიდან 150 წლის იუბილესათვის მზადების პერიოდში გამოქვეყნებულმა დიდალმა მასალამ ისევ გავახსენა და თვალწინ დავიყენა ინგლისელი უორდროების ოჯახი, განსაკუთრებით და-ძმა მარჯორი და ოლივერი. მათ მიერ ქართველი მეგობრებისადმი მიწერილ, სულიერი მღელვარებითა და სითბოთი აღსავსე წერილებიდან ჩანს ქართველი ხალხის, მისი ისტორიის, ლიტერატურისა და ხელოვნების მიმართ უდიდესი სიყვარული და პატივისცემა. ასეთი დამოკიდებულება მათ საქმიანად დაამტკიცეს ქართული ლიტერატურის უბრწყინვალესი ძეგლების ინგლისურ ენაზე თარგმნითა და პოპულარიზაციით.

გრანდიოზულ საიუბილოო ზეიმზე ჩამოსულ უამრავ უცხოელ საპატიო სტუმართა შორის იყო ანდრო უორდროპი, უმცროსი ვაჟი ოლივერ უორდროპი.

26 ოქტომბერს იგი ინგლისელი ქართველოლოგების — ჯორჯ ჰიუიტისა და დონალდ რეიფილის, აგრეთვე პროფესორ გურამ შარაძის თანხლებით ეწვია ს. ჯანაშიას სახელობის საქართველოს სახელმწიფო მუზეუმს. საუბარში მან განაცხადა, რომ მიმდინარე წლის აპრილში შესრულდა ასი წელი მას აქეთ, რაც 23 წლის ოლივერ უორდროპმა პირველად დადგა ფეხი საქართველოს მიწაზე. მე ისეთი გრძნობა დამეუფლა, მგონია, ახლა მამაჩემის სული აქ ტრიალებსო. მან დირექტორს პროფესორ ლევან ჭილაშვილს მუზეუმში დასაცავად გადასცა რამდენიმე საჩუქარი:

„მედალიონი თითბრისა, რომლის ერთ მხარეს გამოსახულია წმინდა ნინო ჯვრითა და სახარებით ხელში, მის გარშემო ნუსხასუცური წარწერა: „წმ. ნინო ქართველთა განმანათლებელი“, მეორე მხარეს: „საყდარი განმზადებული“;

ნიშანი სამკერდე თიბრისა, ჯვრის ფორმის. განიერი მკლავები დაფარულია წითელი მინაქრით. ჯვრის ცენტრში თითბრის წრიულ ფირფიტაზე ამოკაწრულია ამხედრებული წმინდა გიორგის გამოსა-

ხულება შუბით ხელში. გარშემო მხედრული წარწერა: „ქართული წითელი ჯვარი — კონსტანტინოპოლის განუ.“.

წიგნი, ილია ჭავჭავაძის „განდევლის“ ინგლისური თარგმანი მარჯორი უორდროპისა, ილიას სურათით. გამოცემული ლონდონში 1895 წ. ანდრო უორდროპის ავტოგრაფით;

წერილი მარჯორი უორდროპისა გავზავნილი ქუთაისიდან ლონდონს მისი ძმის თომასათვის, შუაზე გაკეცილ საფოსტო ქაღალდის შვიდ გვერდზე. დათარიღებულია 1894 წლის 31 დეკემბრით.

ამ წერილს აქვე ვაქვეყნებთ:

**ქუთაისი 1894 წლის 31 დეკემბერი.**

ჩემო ძვირფასო თომ!

რამდენიმე დღის წინ მივწერე წერილი მაქას, სადაც მოვეთხრობ ჩვენი ქუთაისში ჩამოსვლის შესახებ. ჩვენ აღფრთოვანებულები ვართ ქალაქით და მიღებით. შაბათს გავემგზავრეთ ერთ-ერთი ძველი კათედრალის ნანგრევების დასათვალთრებლად, რომელიც VIII საუკუნეშია აგებული\*. თავის დროზე ეს უნდა ყოფილიყო შესანიშნავი ნაგებობა და მიგვანიშნებს, თუ რა მაღალი დონის ცივილიზაციას მიაღწიეს ქართველებმა ჯერ კიდევ ადრეულ პერიოდში. ამის შემდეგ ჩვენ ვნახეთ უძველესი ციხესიმაგრის ნანგრევები, შემდეგ ვიწვიეთ იმერეთის ეპისკოპოსს გაბრიელს, რომლის „ქადაგებანი“ ინგლისურად თარგმნა მალანმა. ის მეტად მოხუცია ახლა და მიუხედავად ამისა, მაინც ეტყობა, რომ თავის დროზე შესანიშნავი კაცი უნდა ყოფილიყო; მას დიდი გავლენა აქვს თანამემამულეებზე. მან ჩვენ უკვლას პატივისცემის ნიშნად მოგვართვა მედალიონები, რომლის ცალ მხარეზე წმ. ნინოა გამოსახული, გვაჩუქა თავის „ქადაგებთა“ რუსული და ქართული ასლები საკუთარი ავტოგრაფით.

გუშინ ქ. ქუთაისის ქალაქის თავმა ჩვენს ჩამოსვლასთან დაკავშირებით მეფუფრი ბანკეტი გამართა. ამ ბანკეტზე 120 კაცამდე მოიყარა თავი. მე და დედა დავსვეს ქალაქის თავსა და თავად-ან-ნაურთა მარშალს შორის. ჯონი იჯდა ორ ბრწყინვალე თავდას შუა. ჩვენი სადღეგრძელო შეიხვებოდა ერთხელ კი არა, ოთხჯერ მაინც სათანადო ქარ-

\* აქ იგულისხმება ბაგრატის ტაძარი, რომელიც აგებულია 1003 წელს.

თული მუსიკის თანხლებით. სიმღერები მეტად ლამაზი იყო, ხოლო ზოგიერთი მათგანი ათასწლეულებს ითვლის. მე ვეცდები, ჩამოვიტანო რამდენიმე მათგანი. ლექურს ასრულებდნენ სახელმწიფო მოცეკვავეები, ეს შესანიშნავი სანახაობა იყო და მე ვფიქრობ, რომ ინგლისელმა ქალიშვილებმა ცეკვის ხელოვნება ქართველებისაგან უნდა ისწავლონ. მე მინდა, შევისწავლო ცეკვა და ვაპირებ ძირითადი ნაწილი შევასწავლო ბატონ ჩუპორიკს.

ამის შემდეგ ჩვენ მიგვიყვანეს ჩვენთვის უსასუილოდ გამზადებულ კომფორტაბელურ სახლში. ოთახები მშვენიერი გვაქვს, ერთი სასტუმრო და ორი საწოლი ოთახი. სახლს გარშემო აკრავს აივანი. ვფიქრობ, ერთ თვეს საიმოვნებოდ დავრჩებით აქ და ვიმედოვნებ, რომ თბილისში დაბრუნებამდე ქართულ საუბარშიც გავიწავლებით. ამჟამად ჯონი ჩემზე უკეთესად ლაპარაკობს და მე მისგან უფრო მეტს ვსწავლობ, ვიდრე ადგილობრივი მოსახლეობისაგან, რადგან იმერლები საოცრად სწრაფად ლაპარაკობენ.

დედა აღფრთოვანებულია ქუთაისით. ოთხშაბათს, 31 იანვარს, იგი მიემგზავრება მარსელს გემით. ის ფიქრობს პარიზში ჩასვლას და იმედოვნებს, რომ პარიზში მამა დახვდება. ჩვენ დავსვამთ მას გემზე და ვთხოვთ ხალხს, მიაცილონ უურადლება მარსელამდე. ასე რომ, ამ წხრივ არავითარი სირთულეები არ არსებობს.

მე სულ უფრო ვიჩვევი წვეულებებს, მაგრამ ჩემ ირგვლივ ყოველთვის უამრავი ხალხია, ყველანი ერთად ლაპარაკობენ და თანაც ბევრ რამეს მეკითხებიან იმ ენაზე, რომელსაც ჯერ კარგად ვერ შევჩვევივარ. ყველა უაღრესად კეთილია და ბედნიერი ვარ, რომ ჩამოვედით; ვიმედოვნებ, რომ ოდესმე შენც და მამაც ჩამოხვალთ ამ ქვეყანაში, მიღება გექნებათ საუკეთესო, უორდროპების გვარი ამის გარანტიას იძლევა.

მე კვლავაც მოგწერ ახლო მომავალში და ვიმედოვნებ, რომ შენც მიპასუხებ ზოგჯერ. 1894 წლის უკანასკნელი დამეა, და ორივეს გისურვებთ მრავალ ძალიან ბედნიერ ახალ წელს. მიიღეთ დიდი სიყვარული ყველა ჩვენგანისაგან მამამ და შენ, ჩემო უსაყვარლესო ძმაო, შენი მოსიყვარულე და.

მარჯორი უორდროპი  
(თარგმნა ლამარა ბალაშვილმა)



ოხონელიძე რაჭული გვარია. ამ გვარის ხალხი ძირითადად ტბეთში სახლობს. ცახში მართო ფილიმონა ჭოხონელიძე ცხოვრობდა, გვილაშვილებს

ჩაესიდა და ცოლოურის ნაფუძარზე ოჯახიც შექმნა. მთელი სიცოცხლე მაინც სხვის კერაზე მისულად თვლიდა თავს და ბოლშევიკურულად ხუმრობდა: ხაფანგში გაბმულ მელას ჰკითხეს, როგორ ხარო და... ჩასიძებულ კაცს მაინც ვკობივარო.

ხუმრობა იქით იყოს და, ფილიმონა ბაბუა სახელიანი კაცი იყო ცახში. სამეზობლოში დაფასებული, ჭკუის საკითხავი, ჭირსა და ლხინში თავკაცი. მშობლიური რაჭის მთასა და მიწაზე შეყვარებულს, იმასაც ის დარდი უღრღნიდა გულს, რაც ამ კუთხის ყველა ჭეშმარიტ პატრიოტს: გულსა ტკენდა ჯვარედინად აჭედელი კარფანჯრებიანი სახლების სიმრავლე. თუ გვიშველის, ბევრი შვილი გვიშველისო. — ამბობდა და ყველა ჭორწილი ღვთის მალად მიაჩნდა, შინაბერა და ბერბიჭა კი ღვთის რისხვად. თვითონ ექვსი შვილის მამა იყო და ეამაყებოდა კიდევ. მაგრამ, როცა შვილებიდან ვერც ერთმა ვერ მოუყარა თავი ამდენ ნაშიერს, ხოლო სიყრმის ძემ — ევტხიმ, მხოლოდ ერთი შვილიშვილი შესძინა, უკვე ხანდაზმული ფილიმონა სხვა სასიცოცხლო ძარღვს ჩაეჭიდა: ბევრი თუ არ გვყავს, ამ ერთმა უნდა იბევროსო, ამბობდა და პატარა ყიულიც იმთავითვე საგლენკაცო საქმეს აზიარა.

ასე მოიბრგო უფროსი ძმის ხალათივით შვილიშვილმა თხიცი, სამწყემსურიც, ტყისპრაცა და მენბრობაც... პირველყოფლისა, წესრიგის კაცი იყო ფილიმონა და გვარის გამგრძელებელს ცხოვრებით ნაკარნახევი მარტივი სიბრძნით კვებავდა.

— სკა არის წესრიგის განსახიერება, ფუტკარი — წესიერების ნიმუშიო, ასი კაცი რომ ესტუმროს სათაფლიას, ეს დალოცვილი მაინცდამაინც დაუბანელსა და ღვინონასვამს მოძებნის და დაკებნსო, — უქადაგებდა შთამომავალს, თანაც ფხიზლად ადევნებდა თვალს და ყველა მისი ნახელავის მართლაც უმკაცრესი შემოწმებელი იყო.

ბაბუასვან სხვა მრავალ სიკეთესთან ერთად ყიულის ტყის სიყვარულიც შემორჩა („მაცი თუ ვაჩანავდა, გადაშენდებოდა რაჭა“) ფრონტგამოვლილი მამისაგან კაცურკაცობის შეგონება („ისეთი სანდო და გამტანი უნდა იყო, დაზვერვაზე წასვლისას პირველს აგირჩევდნენ თანამებრძოლნი“), ისტორიის მასწავლებელ გრიგოლ ბაიძისაგან — ქვეყნის სიყვარული („ადამიანის უმადლესი ღირსება პატრიოტიზმია“)... და ასე, დღეიდან დასაქმებული, საინტერესო ადამიანების გარემოცვაში იზრდებოდა ერთი პატარა ჭოხონელიძე. იზრდებოდა, მართლაცდა ამ ქვეყნიურ სამოთხეში, რაჭა რომ ჰქვია, ანდა, უფრო ზუსტად, სოფელ ცახად რომ იწოდება.

რვა კლასი ხუთებზე დაამთავრა; მერე ნამანგვის საშუალო სკოლაც წარმატებით დაასრულა და თბილისში სასოფლო-სამეურნეო ინსტიტუტის მებადეობა-მევენახეობის ფაკულტეტზე სცადა ბედი... არ უმართლა. ისევ ცახში დაბრუნდა და კოლმეურნეობაში მწყემს-მწველავად დაიწყო მუშაობა.

ჩვენი ნაცნობობაც სწორედ იმ წლებში დაიწყო.



ჩვენი წლის კრონიკა

# ქასი თაჳის აზბიღჳე

...ტელევიზიის გადამღები ჯგუფი სოფელ თხმორში ფერმის ახალგაზრდა მუშაკების შესახებ კინოსიუჟეტს ამზადებდა.

— აი, ძმაო, ნაღდი რაჭველი ბიჭი, — ამბობს რეჟისორი ელდარ ორჯონიკიძე. — შეხედეთ, დააკვირდით, მიხრა-მოხრა, ლაპარაკი...

მართლაც ჩინებული გამოდგა რაჭაში გადაღებული ფირი. მაგრამ კიდევ ერთხელ რომ არ შევხვედროდით ერთმანეთს, ცხადია, ჭაბუკი ასე არ შემორჩებოდა მესხიერებას.

მეორედ, ეს იყო 1963 თუ 1964 წელი, „მოამბის“ რედაქციის გადაცემაში მონაწილეობდა სასოფლო-სამეურნეო ინსტიტუტის სატყეო ფაკულტეტის სტუდენტი, ფაკულტეტის კომკავშირის კომიტეტის მდივანი, სტუდენტური საბჭოს თავმჯდომარე ყიული ჭოხონელიძე... მერე კი ის ჭაბუკი თითქმის მეოთხედი საუკუნით გაქრა მხედველობის არიდან შარშანდელ დილთოვლობამდე.

დილთოვლობა დიდი უბედურებით დაიწყო... ცუდ ამბავს ყორნის ფრთები აქვსო. — უთქვამთ. გამთენიისას უკვე მთელმა ამბროლაურმა იცოდა, ჭრებალოში მეწყერი რომ მოწყდა და ვაწაძეების ოჯახი ჩამარხა. მთელი მოსახლეობა ფენზე დადგა. ჭრებალოსაკენ მიმავალ გზაზე ნისლიან რიბირაბოში იკვეთებოდნენ ჩაფიქრებული, შუბლშეკრული ნაცნობი სახეები. მიდიოდნენ მოხუცები, ქალები, კაცები, მოზარდები, ბავშვებიც კი... იქნებ რაიმე ეშველათ გასაჭირში ჩავარდნილთათვის.

ცხადია, არც ერთი მათგანისათვის არავის უბრძანებია, ასე მოიქციო! ეს იყო გულის კარნახით, ადამიანობის უმადლესი შეგნებით გადადგმული ნაბიჯი.

სტიქიასთან არ ხუმრობენ. საფრთხეში ჩავარდნილები ჭეშმარიტად დიდი რისკის ფასად გადაარჩინეს. თავგამოდებულთა იმ პირველ ჯგუფს ათობით გაბედული ვაჟკაცი შეემატა. წელამდე ტალახში ჩაფლულნი მღუშმარედ იქნევდნენ ნიჩბებს. თითოეულმა მათგანმა უთქმელად იწამა, რომ ტექნიკა უძლური იყო ახლა, რომ ისინი, ვინც სახლის ნანგრევებს ქვეშ მოექცა და ზედ ქვა-ლორდი აყრია, მხოლოდ და მხოლოდ ნიჩბების, წერაქვებისა და ლომების მოზომილ ხმარებას უნდა ეხსნა.

ჯერ კიდევ დილა იყო, დედა და შვილები ნანგრევებიდან და ზედნაყარი კლდის ნაშალიდან რომ ამოიღეს. მეცხრეკლასელი ლელა უმალ რაიონის საავადმყოფოსკენ გააქანეს. დედას და ცხრა წლის რატის კი ველარაფერი უშველიდა...

იმ ორომტრიალში გადავეყარე ტალახში ამოთხერილ, უბრალო ნაჭრით ხელშეხვეულ ყიულის...

ასე დაიწყო მძიმე დღეების ქრონიკა. ...სისხნამზე მოყინულ თოვლზე თხილამური ხრამუნით მიცურავს, მაგრამ მგზავრებმა იციან, ასე ორ-სამ კილომეტრს გავრძელებოდა. მერე დაიწყება აღმართები.

მართლაც საფორთხი გზაა ხის დაბალი ტოტებისა და საკუთარი ძალის იმედი თუ არ გექნა, შეიძლება, ხევში გადაიხეხო.

— და პატრონიც ველარ აგერფს, — ვითომ ხუმრობს გივი.

გივი ჭოხონელიძე, სატყეო საწარმოს მუშა, ყოფილმა საგანგებოდ აირჩია თანამგზავრად. ხალისიანი ვაჟაკია. ახლაც ენაკვიმატობს, თორემ განა სხვებზე ნაკლებად აღარდებს, რა ხდება იქ, ზევით, თხმორში?!

შელამებულზე ბარიდან (ასე იწოდებოდა იმ დღეებში ამბროლაური) ხალხის ამოსვლამ გაახარა თხმორელები. მითუმეტეს, რომ სოფელში ზამთრობით ძირითადად მოხუცები რჩებიან და ორი მუშა კაცის შემომატება, მართლაც დიდ რამეს ნიშნავს. ვაჟაკებმა თოვლში გამომწყვდეულ სოფელს ყველაზე დიდი სიხარული — იმედი ამოუტანეს. გზები გაკვალეს, მეცხოველეობის ფერმა შეაკეთეს...

სტიქია კი არ ცხრებოდა. გვიან ღამით სოფელ ჩორჯოში დაიმწყურა ყიფიანებისა და ონაშვილების უბნები. ზოგიერთს იქნებ მეწყერი განსაკუთრებით საშიშ მოვლენად არც კი მოეჩვენოს, მაგრამ თუ წარმოიდგენ დამსკდარ მიწას, რომლის ნაპრალებშიც თვალს ველარ ჩაუწვდენ, თანაც თუ ეს ხახადაღებული უფსკრული თანდათან სულ უფრო მეტად ფართოვდება, აი, მაშინ შეიძლება მიხვდეთ, რა ჯოჯოხეთიც იმალება ამ ერთი სიტყვის მიღმა...

იქ, ჩორჯოში, დამწყურილ ღრმულებში ღაღა დაიძრა. შიგ დახგრეული სახლები ტივტივებდა. მოსახლეობა მოსწყდა გარე სამყაროს. ამ უბედურების დროს მშველელად მოვლენილ აქტივისტებს, რომელთა შორის ყოფილიც იყო, მოხუცები, ბავშვები და ქალები ჰყავდათ გადასარჩენი (სხვა ყველაფერი, რასაც მატერიალური ფასეულობა ჰქვია, ახლა მეთაზვარის ხოვან საქმედ გადაიქცა). მუხლჩაუხრელად იმუშავეს, სანამ მეწყერის ტოტებზე საცალფეხო „ბილიკებს“ დააწყობდნენ. მაგრამ ეს მაინც არ იყო ყველაფერი. ამ უმწეო ადამიანებს, ანდა შედარებით ახალგაზრდებს (ოღონდ შიშით დაზაფრულთ), გვერდში ამოდგომა, ხელის ჩაჭიდება და სამშვიდობოზე გაყვანა სჭირდებოდათ.

ყოფილი ჭოხონელიძე ამ ნარკვევის გმირი, მაგრამ რაკი იმ მძიმე დღეებზე ვსაუბრობთ, მარტო მისი გარჯილობით ვერ შემოვიფარგლებით.

გამოხდება ხანი. მოგონებად იქცევა ეს ზამთარი, მაგრამ ამ განსაცდელს რომ გაიხსენებენ, სხვებთან ერთად ყოფილი ჭოხონელიძეც სიამაყით იტყვის, იმ მძიმე დღეებში ამბროლაურში იყავით... მაშინ რაჭაში ყოფნა ბუნებასთან პირისპირ შებმას და სტიქიაზე გამარჯვებას ნიშნავდა.

ამონაწერი ოფიციალური დოკუმენტიდან: „წლებადნულმა წყალდიდობამ და მეწყერიანობამ ამბროლაურელ მშრომელებს მკაცრი გამოცდა მოუწყო. წაილეკა ნათესები, ბალ-ვენახები, მინდვრები, დაინგრა საზოგადოებრივი მეურნეობების მეცხოველეობის ფერმები, საცხოვრებელი სახლები, მოიშალა სატელეფონო კავშირი, მწყობრიდან გამოვიდა ელექტროგადამცემი ხაზები და სხვა კომუნიკაციები. სოფლები — ბარეული და ჩორჯო მთლიანად დაიმწყურა. საშიში ადგილებიდან გაყვანილი იქნა 200-ზე მეტი ოჯახი...“

ქვემო სევაა ფხაკაძეების, ნეფარიძეების, კაციტაძეების, ჯაფარიძეების მრავალჭირნახული სოფელი. მსგავსი ღვთისწყრომა აქაურობას არასდროს გადახდომია თავს. თითქოს ამ ზამთრის ავზნეობა არ იკმარაო, გაავებულმა კრიხულამ ჯერ გადაუღებელი წვიმების დროს, მერე კი სიცხეების ჩამოდგომისას თოვლის ნაღონებით თავი რომ მოიგეიყანა, წალეკა საავტომობილო გზა, საშიშროება შეუქმნა მდინარე ხოტეურას ხიდის ბურჯებს. დილიდან საღამომდე წყალში იდგნენ დამცავი ჯებირის ასაგებად ოთარ დოლიძის ბრიგადის წევრები, გზაზე კი გზის ოსტატის ზაალ ჯაფარიძის ჯგუფი შრომობდა.

ჭრებალოს სასოფლო საბჭოში შემავალ სოფლებს — ქვედა ჟოშხასა და გენდუშის მუღამ აწუხებდა მეწყერული მოვლენები. ახლა კი, რომ იტყვიან, მიზეზიც საფუძვლიანი გაჩნდა. ადგილობრივი ძალები და დასახმარებლად მოსული მუშახელი საქმეს ვერ აუთავდა. ჭელიძეების იულონ დონაძის, ნიკოლოზ ბიბილაშვილის, სერგო ჭელიძის ბრიგადებმა უკვე დაატყვევეს სიკეთის ხელი იავარქმნილ ნაგებობებს. მწყობრში ჩააყენეს „ლორწყოლის“ საძოვარზე ფერმა, ხელახლა საიმედოდ გაჭრეს და მონრეშეს სოფელ უყეში მისასვლელი გზა. სამუშაოთა მწარმოებლის ვაჟა ჭელიძის, ოსტატ გურამ ოლოგელიანის თანამოსაქმენი დიდსა და მძიმე სამუშაოს ასრულებენ. მდინარე ლუხუნისა და რიონის გადაკვეთაზე მოდიდებულმა მდინარეებმა მოვლიჯეს მაღალი ძაბვის ელექტროგამტარების საყრდენი ბოძები და სოფელი მუხის უსინათლოდ დარჩა. სტიქიამ ძირს დასცა კვაცხუთიდან ხიმშისაკენ დონაძეების უბანში რიონის გადაკვეთი ელსადენი გამტარების რკინის ბოძები. რიონმა წალეკა ჭრებალოდან ბაჭში მდინარის პირას გამავალი გადამცემი ხაზების საყრდენები. გ. დათეშის ელექტრიკოსთა რაზმის წევრები შოთა თომაძე, აბელ დავითულიანი, მერაბ მომცემლიძე, ანზორ ჭელიძე, ევტიზ ბიწაძე მართლაც რომ დღე და ღამეს ასწორებენ.

ვილაცამ კარგად თქვა, არ არსებობსო ნაომარი ვაჟაკის სხეულზე დარჩენილ იარაზე უფრო ღამაში სამკაული... იგივე ითქმის ქვეყანაზეც: რაჭა უფრო ძვირფასი, უფრო საყვარელი გახდა სტიქიონის დართუხვის შემდეგ.

...ვიდრე რიცეულამდე მივიდოდი, სადაც სატყეო მეურნეობის მუშები აღდგენით სამუშაოებს აწარმოებდნენ, უკვე ვიცოდი ყოფილი ჭოხონელიძის ცხოვრების ის მონაკვეთიც, როცა ინსტიტუტი დაამთავრა და, ამბროლაურში აბრუნებულმა, წესურის ხეობაში სატყეო მეურნეობაში დაიწყო მუშაობა ხე-ტყის დამზადების ოსტატად. მერე სატყეო მეურნეობის მეტყევე ეკონომისტი, ჭრებალოს სატყეოს უფროსი, თხმორის კოლმეურნეობის თავმჯდომარე...

— ათი წელია დღემდე აქ ვმუშაობ, — მექანიზებულ სატყეო მეურნეობაზე თქვა.

— სტიქისაგან ერთ-ერთი მძიმედ დაზიანებული ობიექტია. 500 ათასი მანეთის ზარალი მიაყენა მას დიდთოვლობამ, ზევაჟმა თუ მეწყერმა.

რიცეულში კდისუბნის ოთხკილომეტრიან წყალსადენზე მუშაობა მთავრდებოდა. იუზა ოშხერელი, მერაბ დვალაძე, გივი ჯოხაძე მეტულდოზერების მოსვლას ელოდნენ, რომ უქანასკნელი გზასავალიც გაეწმინდათ.



მეურნეობის დირექტორმა მწვანე ყდიანი უბის წიგნაკი დაადრო:

— მოთავებულად შეიძლება ჩავთვალოთ ხომ ეს წყალსადენიც, — ჩაილაპარაკა მან და ოშხერელისაკენ გაიხედა.

— შეიძლება, — ღიმილით უქნევს თავს იუზა.

და უჯრედებიან ფურცელზე, იქ, სადაც უკვე წერია რიცეული-წესურის რვაკილომეტრიანი გზა, ურავის შეიდეკილომეტრიანი გზა, ფართო მოხმარების საამქროს ახალი სახურავი, ხე-ტყის დამზადების უბნებში დროებითი ბინები, ახალი სამანქანო ხიდი მდინარე რიცეულაზე, გაჩნდა კიდევ ერთი ახალი ჩანაწერი: წყალსადენი.

ეს ყველაფერი, ასე ვთქვათ, წინასწარ გაუანგარიშებელი სამუშაოებია, მაგრამ, ეს, ცხადია, სულაც არ ნიშნავს, თავი აარიდოს წარმოებამ ძირითადი გეგმების შესრულებას.

სწორედ ამის შესახებ ვსაუბრობდით, როდესაც ყოფილი ჭოხონელიძეს დაუძახეს. იგი წავიდა და მე მუშებთან დავრჩი. როლები შეიცვალა. ახლა ისინი მეკითხებოდნენ:

— ეს მართალია, რომ ყველა კოლექტივმა უნდა აირჩიოს ხელმძღვანელი? — მეკითხება მერაბ დვალაძე.

— ასეა. ასეთია დემოკრატიზმის პრინციპი.

— ჩვენც მოგვიწევს აბა ამნაირი არჩევნები? — ახლა გივი ჯოხაძე დაინტერესდა.

— ალბათ...

— მოგვიწიოს, რა, ისევ ყოფილია იქნება დირექტორი, — ამბობს იუზა კერესელიძე.

და აქ ისევ ჩემი ჯერი დადგა:

— რატომ ფიქრობთ ასე?

— იმიტომ, რომ ეგ კაცი კარგი ხელმძღვანელია და თავის ადგილზე ზის, — ისევ იმან, ოშხერელმა მიპასუხა. მაგრამ აშკარად ვიგონებინი, თითოეული მათგანის აზრი იყო ეს.

გივი ზელიძე,

ამბროლაურის რაიონული გაჯათის „კომუნისტური დროის“ რედაქტორი.



1884 წელს ჟურნალ „ისტორიკესკი ვესტნიკში“ (ტომი 17) დაიბეჭდა მეტად საყურადღებო ცნობა. სახელოვანი რუსი ისტორიკოსი, სიძველეთა საუკეთესო მცოდნე ვ. ი. კუშნიკოვი წერდა: „თავადი პეტრე ივანეს ძე ბაგრატიონი საქართველოდან პეტერბურგში ჩამოვიდა 1782 წელს. იგი მაშინ 18 წლისა იყო. ბაგრატიონი გაჩერდა კენინა ანა ალექსანდრეს ასულ გოლიცინას, გრუზინსკაიას სახლში, რომელმაც იგი საქართველოდან გამოიწვია სამსახურში გასამწყვებლად. მეორე დღეს, როცა სადილობდა თავად პოტიომკინთან აგარაკზე, დედაქალაქიდან 13 ვერსზე, პეტერბურგის გზაზე (შემდეგ ალექსანდრე ნარიშკინის გზა გახდა) კენინა გოლიცინამ სთხოვა პოტიომკინს, ახალგაზრდა ბაგრატიონი აეყვანა თავის მფარველობაში. პოტიომკინმა დაუყოვნებლივ გავზავნა მის მოსაყვანად შიკრიკი. ღარიბ ჭაბუკს, რომელიც ის იყო, ჩამოვიდა შორეული მხარიდან, ჯერ რიგიანი ტამსაცმელიც არ ჰქონდა. მან არ იცოდა, როგორ გამოცხადებულიყო პოტიომკინთან. კენინას მსახურთუფროსმა კარელინმა იგი გამოიყვანა ძნელი მდგომარეობიდან და ათხოვა საკუთარი ტანსაცმელი. ბაგრატიონი შიკრიკთან ერთად აგარაკისაკენ გაეშურა. ტანმოორჩილი, ფერმკრთალი, ხმელ-ხმელი ბაგრატიონი მსახურთუფროსის ტლანქ ხიფთანში გამოწყობილი მოკრძალებულად, მაგრამ არა გაუბედავად წარუდგა „თავრიზის თავადს“ ბრწყინვალე საზოგადოების თანდასწრებით. პოტიომკინმა არწივისებური მზერა ესროლა უსახელო ჭაბუკს და ღირსყო, დალაპარაკებოდა. ბაგრატიონის პასუხით კმაყოფილმა, მიულოცა მას პროპორშიკოვა და უბრძანა, არმიაში გამგზავრებულიყო“.

ამ ცნობაში ორჯერ არის ნახსენები სიტყვა „საქართველო“ და არა „კავკასია“, სწორედ „საქართველო“. იყო თუ არა ამის შემდეგ ბაგრატიონი საქართველოში, ცნობილი არ არის. თუმცა მან შესანიშნავად იცოდა ქართული ენა, რასაც მოწმობს მისი წერილი თავად ოთარ ამილახვრისადმი, რომელიც დაწერილია უშეცდომოდ, ქართული კალიგრაფიული ხელწერით და გამოხატავს ზრუნვას მშობლიური მხარისათვის (წერილი ინახება თბილისში — ხალხთა მეგობრობის მუზეუმში).

ცნობილია აგრეთვე ცხარე ბრძოლების პერიოდი (1803, 1804, 1806, 1810, 1811 წლები) დათარიღებული მისი მიმოწერა საქართველოსთან და ქართველებთან დაკავშირებულ საკითხებზე.

ანა გოლიცინა-გრუზინსკაია ბაგრატიონთა შტოს ეკუთვნოდა. ზოგიერთი ბაგრატიონი — ქართველი მეფის ბაქარის შთამომავალი, რომლებიც რუსეთში გაემგზავრნენ 1724 წელს, გრუზინსკის გვარს ატარებდნენ.

პეტრე ბაგრატიონის ბავშვობისა და ყრმობის შესახებ ძალიან ცოტა რამ არის ცნობილი. ჩვენ ვიცით მისი სიკვდილის დღე და საათიც კი, მაგრამ არ ვიცით ზუსტად მისი დაბადების არც დღე და არც წელი. დაახლოებით კი 1765 წელს უნდა იყოს დაბადებული ყიზლბარში.

ყიზლარში არის პ. ბაგრატიონის სახელობის მხარეთმცოდნეობის მუზეუმი. ხსოვნას ახლა მხოლოდ სახელწოდება გამოხატავს. მაგრამ, სამწუხაროდ, არაფერი ნამდვილი, მემორიალური არ შემონახულა. თუმცა არის საინტერესო დოკუმენტები საქართველოდან აქ პეტრე ბაგ-

რატიონის პაპის გადმოსახლების შესახებ. მუზეუმის დირექტორს ვ. ოლეინიკს იმედი აქვს, რომ ადგილობრივი რუსულ-ქართული ჯვართამაღლების მონასტერში დაცულ ექვსი ათას ერთეულში, რომლებიც ჯერ კიდევ შესწავლილი არ არის, რაიმეს იპოვის. ეს ექვსი ათასი „ერთეული“, რომლებიც საუკუნეების მტკვრითაა დამძიმებული, დღემდე ხელუხლებლად ძევს და კვლავ იმტვერება დაღესტნის სახელმწიფო არქივის თაროებზე(!). ცნობილია, რომ ბაგრატიონი ბავშვობაში სწავლობდა საეკლესიო სკოლაში, ბიძამისი პავლე ალექსანდრეს ძე კი ამავე ეკლესიის წინამძღვარი იყო, მაგრამ მღვდელი პეტრე ბაგრატიონიდან არ გამოვიდა. „დედის რძესთან ერთად, — წერდა მოგვიანებით იგი, — შევიწოვე მხედრული გმირობის სულსკვეთება“.

ჯარის რომელ ნაწილებში დაიწყო მსახური პეტრე ბაგრატიონმა? ბორის ანდრიას ძე პოტიომკინის — გრიგოლ პოტიომკინის ბიძაშვილის განკარგულებით

რჩეული მხედრებისაგან... მეფე ქართველ ცხენოსნებთან ერთად, დააჯილდოვა ყაზახები — ყველანი წინააღმდეგობრივად ბრძოლაში მონაწილეობდა მუშავეტრითა პოლიც და, როგორც ყველა ბიოგრაფი ადასტურებს, პეტრე ბაგრატიონიც იბრძოდა ჩეჩენთა წინააღმდეგ 1783, 1784, 1785 და 1786 წლებში. მან თავი გამოიჩინა, როგორც გულადმა და მამაცმა მეომარმა. ცნობილია, რომ იგი ვაუკაცურად იტანდა სამხედრო ცხოვრების სიძნელეებს და მტერთან მკაცრი ბრძოლების შედეგად მიღებული გამოცდილებით ყურადღებით სწავლობდა მხედრულ საქმეს. ამ ბრძოლებში პეტრე ბაგრატიონი მძიმედ დაიჭრა. ასე რომ, ცხადია, იგი ქართულ მიწა-წყალზე იბრძოდა ქართველი ხალხის დამოუკიდებლობისა და მშვიდობიანი ცხოვრებისათვის.

ბ. ა. პოტიომკინის ამაღლა თბილისში ჩამოვიდა და სამოილოვის ჯარებთან ერთად სასწრაფოდ აღნიშნა გამარჯვება. ქართველი ისტორიკოსის პლატონ იოსელიან-

# ქართული მუშავეტარი

ქივანი, აღმოჩენები, ვარაუდები

ჭაბუკი არა პროპორშიკად, არამედ სერჟანტად ჩაირიცხა კავკასიის მუშავეტრთა პოლკში, რომლის მოვალეობას შეადგენდა რუსეთის საზღვრების დაცვა მდინარეების ყუბანისა და თერგის გაყოფაზე. მაგრამ სხვა წყაროების მიხედვით, ამ პოლკს ეწოდებოდა გენერალ-მაიორ გულიაკოვის ქართველ მუშავეტრთა პოლკი და იგი საქართველოს ტერიტორიას იცავდა ლეკთა და ჩეჩენთა განუწყვეტელი თავდასხმებისაგან. არის ცნობები, რომ ამ პოლკს ერქვა აგრეთვე თბილისის მუშავეტრთა პოლკი. ამას აღნიშნავს, მაგალითად, სამხედრო ისტორიკოსი, აკადემიკოსი ნ. დუმბროვინი.

ქართული საზოგადოების თხოვნით, როგორც გენერალი ვ. ა. პოტო წერს, ბორის პოტიომკინი ეწვია ქალაქ თბილისს და „პირადად დარწმუნდა მხარის საგანგაშო მდგომარეობაში... და დატოვა აქ გენერალ-მაიორი სამოილოვი. უბრძანა მას, დიდი ექსპედიცია მოეწყო ალაზნის გაღმა, რომ ცეცხლი და მახვილი შეეტანა ლეკთა მხარეში“.

1784 წლის 14 ოქტომბერს კახეთიდან გამგზავრებულმა ქართველ მუშავეტრთა ექსპედიციამ სოფელ მულანლოს ახლოს დიდი ბრძოლა გაუმართა ჩეჩენებს, რომლებიც ალაზნის გაღმა გაიქცნენ. ამის შესახებ ვ. ა. პოტო წერს: „სამოილოვი მიადგა ალაზანს, გაჩერდა რამდენიმე დღეს, სანამ ბოლოს და ბოლოს, აქ მოვიდოდა თავად მეფე ერეკლე II ქართველთა ლაშქართან ერთად, რომელიც შედგებოდა წარჩინებული თავადებისა და

ნის თქმით, ჩეჩენებთან და ლეკებთან ბრძოლებში დაღუპული გმირები მიწას მიაბარეს „ხარების კათოლიკურ ეკლესიაში, რომელიც იღვა ახლანდელი კათოლიკეების ქუჩაზე. სომხური ბაზრის მიდამოებში“ (ამჟამად ლესელიძის ქუჩის უბანი). ამ ამაღლაში იქნებოდა პეტრე ბაგრატიონიც, რადგანაც ბ. ა. პოტიომკინი თავის ამაღლაში მხოლოდ და მხოლოდ იმთა რიცხავდა, ვისაც პირადად იცნობდა და ვისაც თავად, ან გრიგოლ პოტიომკინმა მისცა რეკომენდაცია.

1788 წელს რუსეთის ჯარებმა ალყაში მოაქციეს თურქეთის ციხესიმაგრე ოჩაკოვი სვეი ზღვისპირას. მტურმის დროს ქართველმა მუშავეტრმა პეტრე ბაგრატიონმა დიდი მამაცობა გამოიჩინა, პირველთა შორის შეიჭრა ციხესიმაგრეში. შემდეგ იგი კვლავ კავკასიაში დაბრუნდა. მუშავეტრთა ჯარებში იგი მსახურობდა 1792 წლის ივლისამდე და განვლო ყველა საფეხური სერჟანტიდან კაპიტანამდე. 1794 წლის 15 (26) ოქტომბერს იგი გაამწესეს პოლკოვნიკად. 1798 წელს გახდა პოლკოვნიკი, ეგერთა მეექვსე პოლკის მეთაური, და მომდევნო წელს მიიღო გენერალ-მაიორის ჩინი. მონაწილეობდა რუსეთის არმიის ცნობილ ლაშქრობებში იტალიასა და შვეიცარიაში. ასე დაიწყო მისი მხედრული ბიოგრაფიის ახალი ფურცელი.

რამ დავიღობი, საპარტიველოს სსრ დასახარებადული ურანლისიბი.



პეტრე ბაგრატიონის ძეგლი თბილისში.

ფოტო თარხან არჩვაძისა



წიგნიანი ბაღი



ქართული ხალხური ზღაპრის ილუსტრაცია.



მგელი თბილისის კუთხე

## თენგიზ სამსროსაძე



საქართველოს სსრ სახალხო მხატვრის თენგიზ სამსროსაძის 80 წელი შეუბრუნდა. დღეს დაწვლილილი მხატვარი თბილისის სამხატვრო ეკლემიის ზოგადი დირექტორის კადერის ხელმძღვანელია, აგრეთვე თანამშრომლობს რესპუბლიკურ ფერწალობის ზეობასა და გამოცემებში.

სამი ათწლეული წელია ფერწალობის „დროის“ მუშაობაზე იბრუნება თენგიზ სამსროსაძის მხატვრული ღონისძიებები, გრაფიკული თხრობები, მხატვრის დიდი წვლილი შეაქვს ქართლის იდეო-მხატვრული დონის ამაღლებისათვის.

ფერწალობის „დროის“ კოლექტივში სარქველით კოლექტივი უღივსა ნიკოლოზ მხატვარსა და სტეფანე მოქალაქის ამ ღონისძიებებში თიბის და უბრუნებს მას დიდხანს სივლელსა და შემოქმედებითი წარმატებებს.

თეთრი ხეები

თეატრალური სამკერვალო





მიხეილ ანდრონიკაშვილის კოლექცია



ნატალია გონჩაროვა



კოლექცია ფრანგული სიტყვაა და ნიშნავს ერთგვარი, შინაარსობრივად ერთნაირი სახეობის ნივთების შეგროვებას.

კოლექციონერი სხვადასხვაგვარია. არის ისეთი, ვინც ძველებურ ქურჭელს და სხვა ნივთებს ყიდულობს პრესტიჟისათვის ან ფასეულობის დასაბუნდობლად — მისგან ბევრს ვერაფერს ისწავლი. მაგრამ არის სხვაც... და იმ „სხვამ“, გასული საუკუნის ფინჯანს რომ ყიდულობდნენ, იცის ის ეპოქა, როცა ეს პატარა შედევრი შეიქმნა, იცის იმ ეპოქის სტილი, მიმართულება და საათობით შეუძლია ამ ნაკეთობაზე საუბარი.

თბილისში, ძველი ქუჩის ოთხ ნომერში, ცხოვრობს მიხეილ ანდრონიკაშვილი — რესპუბლიკის დამსახურებული პედაგოგი და ხელოვნების დამსახურებული მოღვაწე. ამ კაცის დედა გამოჩენილი რუსი საზოგადო მოღვაწის, მოაზროვნის, პოეტისა და რევოლუციონერის ნ. ოგარიოვის შვილთაშვილი იყო. დედისაგან დანატოვარი ნოტებით, შენდერის ფირმის პიანინოთი და სხვა საგვარეულო ნივთებით დაიწყო სიცოცხლე იმ კოლექციისა, რომელიც აგერ უკვე ორმოცე წელია მნახველის აღფრთოვანებას იწვევს.

კოლექციას, როგორც აღამიანებს, თავისი ბედ-იბლალი აქვს.

მიხეილ ანდრონიკაშვილის მინიატიურულ მუზეუმში ყველაფერი უკიდურესი აკურატულობითა და გემოვნებითაა დალაგებული. მასპინძელს უყვარს თავისი კოლექციის ჩვენება. ხალხით დავსვლით სტუმრებს, უამბობს მათ თითოეული ნივთისა თუ სურათის ისტორიას, აცნობს ავტორის შემოქმედებას. ამავე კოლექციას არიდეებს არამარტო მტკვერსა და მზის სხივებს, იცავს ცივი და გულგრილი მზერისაგან. სახლში არ შემოღებული არც ერთი გადაამყიდვლი. რუსულია, ფრანგულია და იტალიურის მცოდნე, წარსულში ხმატბილი ტენორი და უბადლო პედაგოგი, მუსიკის, მხატვრობის, ბალეტისა და თეატრალური ლუდოვიკოს ეპოქების ზედმიწევნით მცოდნე, მთელი თავისი ხანგრძლივი სიცოცხლის მანძილზე გატაცებით, ენთუზიაზმით ეძებდა, პოულობდა და ინახავდა ისტორიის სახალხო ხსოვნას.

აქ, ამ ოთახში, თავი მოუყრიათ სამოთხის ჩიტებს, ყვავილებს ჯადოსნური ბალიდან. ფაიფურის ვარდისფერი ტიტები შავ ჩინურ ლარნაკში სარცარ პარმონიაშია სახელგანთქმული გარდნარის სერვიზთან, ძველებურ ავეჯსა და ქართულ ხატებთან. ირგვლივ ყველაფერი ვარდის, ოქროს, ცისა და მზის ფერია. ამ პატარა ინტიმურ მუზეუმში წარმოდგენილია ხელოვნების ნიმუშები, რომლებიც ნებისმიერი გემოვნებისა და ასაკის ადამიანს მოეწონება. მიუხედავად ექსპონატთა მრავალფეროვნებისა, მაინც ჩანს, რომ ეს ყველაფერი ერთი პიროვნების შეგროვებულია და ერთი პიროვნების გემოვნებასა და მისწრაფებას გამოხატავს. შეუძენია მხოლოდ ის, რაც სწავლება მისი სულისა და გონების სიღრმეს, რაც იწვევს მასში აღფრთოვანებას, ამეხსნა თვალს, რაც მხატვრულ ღირებულებას წარმოადგენს. ამ საქმეში კი მეგზურად დიდი განათლება, ღრმა ინტელექტი, ნატიფი ალღო და ეპოქათა ცოდნა დახმარება.

მის მუზეუმში, ისე როგორც ცხოვრებაში, მთავარია მოულოდნელი, პატარა სიხარული.

აი ვარდისფერი, ოქროთი მოსევადებული ციციქა ფინჯანი! დიდას თავისთვის ნახი, სიფრიფანა. მის საიდუმლო ხვეულებში მუსიკა ეღერს. იგი თითქოს უჩუმარ მელოდიას გამოსცემს. მაგრამ როგორც კი მზერას მოაშორებ და სხვა საგნისაკენ გადაინაცვლებ, იდუმალი ძალით ვიხმობს უკან და გეწევა თავისკენ. 1709 წელს ეს ფინჯანი რომ შექმნა, გერმანელმა ალქიმიკოსმა რომ ფრიდრიხ ბონტგერმა, რკინისვიცისობიანი საკანი მიიღო, ევროპამ კი — დიდი ხნის ნახატრი ფაიფური.

გერმანელების აღმოჩენამ ალაგზნო პატემოყვარე და ფუფუნების მოყვარული ფრანგები. მაგრამ საფრანგეთის მიწაში რომ კაოლინი არ იყო? მაშინ დაიწყო მისი შემცვლელის ძიება. გავიდა ხანი და 1720 წელს ლუდოვიკოს მამა სენ-კლუში დააარსა ფაიფურის პირველი მანუფაქტურა. ხუთი წლის შემდეგ პრინცმა კონდემ შანტიში გახსნა თავისი სახელოსნოები. 1735 წელს ჰერცოგმა ვილფრემ მენესში ხელი მოჰკიდა ფაიფურის წარმოებას. კიდევ სამი წელი და ამ ციციქელებში ჩაება ვენსენი. ლუდოვიკო მეთუთმეტემ უყოყმანოდ გახსნა ხაზინა და 50 ათასი ლივრი, ე. ი. ოც მილიონამდე თანამედროვე ფრანკი გაიღო ამ საქმისათვის.

და აი, 1741 წელს ვენსენში ფრანსუა გრავანის ოსტატობით დამზადდა პირველი სასოუსე — ურთულესი ფორმის, ბაროკოს სტილში შესრულებული „პატ ტანდრი“ — რბილი ფაიფური. ეს სასოუსე დღესაც განაცვიფრებს მნახველს. გრან-პალეში, 1978 წელს მოწყობილ ფრანგული ფაიფურის გამოფენაზე იგი მარადიული მშვენიერების სიმბოლოდ აღიარეს.

1746 წლიდან ვენსენის ფაიფური უკვე იყიდება. ეს იყო ჯადოქარი ოსტატების მიერ ოქროთი ნაკეთები ფაიფურის ქანდაკებები, ჭურჭელი, ლარნაკები და ყვავილები, რომლებსაც ფერებითა და ფოთოლთა ხვეულებით ცოცხლისაგან ვერ გაარჩევდით.

1756 წელს პომპადურმა მანუფაქტურას საჩუქრად გადასცა სენის სანაპიროზე, ქალაქ სევრში ბელვიუს ციხესიმაგრის შემოგარენი. აშენდა ახალი ქარხანა. 1768 წელს კი საფრანგეთში, ლიმუზინის მახლობლად, ბოლოს და ბოლოს, აღმოაჩინეს კაოლინი. იმ დღიდან სევრში დაიწყო მაგარი ფაიფურის გამოშვება. ლუდოვიკო მეთექვსმეტის დროს სევრის პროდუქციის ფაიფური სავსებით შეიცვალა. მაგარი ფაიფური იდეალურად ეწყობოდა ნეოკლასიციზმის მკვეთრ, გეომეტრიულ ხაზებს. მარია-ანტუანეტას კარზე ანტიკური შედეგებით გატაცებული მაღალი წრის სალონებს ამშვენებდა სევრის საფირმო ფერი — მსუბუქი, გამჭვირვალე, ჰაეროვანი, განუმეორებელი, ოქროთი შეზავებული ცისფერი. ამ ნაკეთობათა ოსტატებს ზღაპრულად დიდ ჯამაგირს უხდიდნენ.

1789 წელს საფრანგეთის ბურჟუაზიულმა რევოლუციამ აიღო ბასტილია და დაამხო მონარქია. არისტოკრატის მდიდრული სერვიზებისათვის აღარ სცხელოდა, შეკვეთები შეწყდა და სევრი დაღუპვის გზაზე დადგა. სწორედ ამ კრიტიკულ მომენტში მანუფაქტურას მხსნელად მოვევლინა ზღაპრულად დიდი ანაზღაურება რუსეთიდან, რომლითაც გამოისყიდეს ეკატერინე მეორის დროს შეკვეთილი ცნობილი „კამევიანი ფირფურის სერვიზი“. ამ სერვიზის რამდენიმე თევზისა და ფინჯანის ნახვა შეგიძლიათ მიხეილ ანდრონიკაშვილის კოლექციაში.

...ამ ფერადი ბროლის სურაში კი სინათლე ცხოვრობს, ფერთა მთელი სპექტრით დამუხტული. იგი როგორც ცოცხალი ცნობილი, ისე ეზმოსურს ვარდის ფონს შავი ხის, სპილოს ძვლით ნაკეთები იაპონური შირმა უქმნის. გვერდით მარჯვნივ დე პომპადურის საკუთრება, 280 წლის დამის ნათურა ამოსდგომია, ფერნით რუსეთის იმპერატორის ალექსანდრე პირველის ამპირისსადგამიანი ტორშერი ანათებს. შეუცვლელი ადგილს სურას და მე-18 საუკუნის პარიზული ნაკეთობის ვერცხლით მოჩუქურთმებულ სარკეში ჯადოსნურად მოკიაფე მწვანე ფერი აელვარდება, რომელიც მოპირდაპირე კედელზე იტალია-ესპანური სკოლის მე-17 საუკუნის უცნობი მხატვრის „წმინდა სებასტიანეს“ სხეულში ჩაქედილ სასიკვდილო ისრებს შეუატოებს.

უცქერი ამას და სისხლი გეყინება. მაგრამ სულ რაღაც ათი სანტიმეტრით გადაინაცვლებ და ალბერტ ბენუასა და ევგენი ლანსერეს ტილოები დაგამშვიდებენ. მარჯვნივ კი, ჩარჩოდან შემოგაყურებს ლალო გულიაშვილის თამარ მთე აქტორის წარწერით: „ვიმედოვნებ, რომ ჩემი შემოქმედება თქვენს მდიდარ კოლექციაში მონახავს პატარა ადგილს მარად სულდგმულობისათვის, რისთვისაც წინასწარ ვიხდით მადლობას“.

აქვეა ერმიტაჟის უკანასკნელი კომენდანტის ივანე რატიშვილისაგან შექმნილი ნეაპოლის ხელები, სარითჯალაში დაბადებული გერმანელი მხატვრის ზომერის სურათები: „ივრის ხეობა“, „ორი პეიზაჟი“; ეკატერინე მეორის ნაქონი ფაიფურისვარდებიანი ლანგარი, რუსეთის მონარქთა საიმპერატორო ქარხნების იშვიათი ნაკეთობანი, მე-18 საუკუნის საოცრებანი — გარდნერის ფინჯანი, საქს-მარკოლინის ჭურჭელი, ფგარიოვთა საგვარეულოს ნაქონი ბაკარა, ამპირბაკარა, ხილის ლარნაკი მოჩუქურთმებული ოქროს არშით, ნაოლეონისდროინდელი ფაიფურის მედალიონები, ლილისებური ბროლის 250 წლის ტორშერი, თეთრი ყვავილებით მოჩითული უძველესი შანდლები, ხატები, საცეცხლურები, მეშვესკისა და რილოვის ნახატები, კაკლის ხის ჩუქურთმაში ნაკეთები სეკრეტერი, ოქროსა და ნაფოტების ჩარჩოიანი სარკეები. აქ მხოლოდ ისეთი ნივთებია, რომელთაც ეს თეტიკური ღირებულება აქვთ. მათ ძიებასა და შეგროვებას მიხეილ ანდრონიკაშვილმა ყველაფერი მოახმარა: მთელი ცხოვრება, დრო, ცოდნა...

კოლექციონერები თავიანთი თავგანწირვითა და თავდავიწყებით გვიხანგებენ იმას, რაც შეიძლება დროს ჩაეყოსა. ნამდვილი კოლექცია საზოგადოებისა და კაცობრიობის კუთვნილებაა, რადგან ადრე თუ გვიან ის ხალხის სამსახურში დგება.

ლაგარა თაღია





ნებს, სიკვდილის არნდომას შეუპყრია ყოველი ჩვენგანი, უიშვიათეს გამონაკლისთა გარდა და ამ დროს თვითმკვლელი განთავისუფლებულია ამ საყოველთაო, დამატარებელი არნდომისაგან საკუთარი სიკვდილისა. ამასთან თავის მოკვლა თავის დასჯაცა და თანაც დასჯა საკუთარი თავისა ამქვეყნიური სასჯელის უმაღლესი ზომით.

ლირსო მამაო და მოძღვარო!  
ნუ იფიქრებთ, რომ პოლემიკის უინმა და წმინდა ეკლესიის თვალსაზრისთან კამათის სურვილმა ამაღლებინა კალამი ხელში. არამც და არამც. მსგავსი ეშმაკისეული ჩრახნებიდან, ღმერთმა დამიფაროს! პირიქით, უორმესად მადლობელი ვიქნები, თუკი თქვენ, ღირსო მამაო, საღმრთო წერილიდან და პირველ რიგში წმინდა ოთხთავიდან გამოკრებილ შესაბამის ადგილთა დამოწმებით, გააბათილებთ ჩემს შეხედულებას.

და ბოლოს ვაძეხ, მე — თვითონვე, წმინდა ეკლესიის ვალად მიმანინა, რომ მისმა მსახურებმა, როგორც საჯარო ქადაგებებმას, აგრეთვე ამა თუ იმ ცალკეულ პირთან კერძო საუბრისას, უნდა გამონ თვითმკვლელობის სურვილი და შეძლებინადავარად განარიდონ ადამიანი ამ საქციელისაგან. ოღონდ, თუკი ქრისტიანი კაცი მაინც მოიკლავს თავს, ნუთუ მღვდელმა იმ კაცსა ზედა წესი არ უნდა აავოს და ნუთუ სული თვითმკვლელისა განწირულია ჯოჯოხეთში წარსაწყმედელად უკუნითი უკუნისამდე!...

ესოდენ სასოწარკვეთილი სულისკვეთებით გაუღენთილი წერილის წაკითხვა, ალბათ, დამეთანხმებით, ვერაფერი სიამოვნების მომგვრელია, თუმცა თავისთავად საინტერესო კია. თავი უფრო იმით დავიმშვიდე, რომ წერილი შვიდი ათეული წლის წინ იყო დაწერილი და მისი ავტორი, [დღესდღეობით, ასე თუ ისე, მაინც წასული იქნებოდა ამ ქვეყნიდან. ჩემთვის ისიც გაურკვეველი დარჩა, ამ საქალაქეში წერილის მეორე პირი იყო, თუ პირველი. მართლაც გაუგზავნა, ანდა უშუალოდ გადასცა თუ არა ბატონმა ლაზარემ, თავის დროზე, ეს წერილი მოძღვარს, თუ მხოლოდ დაწერა და თავისთვისვე შეინახა?! ყოველ შემთხვევაში, საქალაქეში, საპასუხო წერილი მოძღვრისა ლაზარესადმი არ აღმოჩნდა. ოღონდ თვითონ ლაზარეს წერილის მეორე გვერდზე მისივე ხელით მიწერილი იყო, ბრჭყალებში ჩასმული შემდეგი სიტყვები:

„ნუ მიპაძავ იმ მოციქულს, რომელმაც დააბნია ვეცხლი იგი ტაძრისა მას შინა, მოღლებული მის მიერ მღვდელ-მთავართაგან, ვანცემისათვის თვისის ღვთაებრივის მოძღვრისა, წარვიდა და თავი ჩამოიხრჩო.

ნუ ვინმე სასოებას წარიკვეთავ: ნუ ვინმე შთავარდები ამ სენსა უღრმთოთასა, — იტყვის წმინდა იოანე ოქროპირი: — უკეთუ შთავარდები ყოველთა ცოდვათა შინა, უთხარ თვისა თვისსა, ღმერთი კაცთმოყვარეა და სურს ცხოვრება ჩვენი. უკეთუ, — იტყვის იგი, იყვნენ ცოდვანი თქვენნი, ვითარცა ღებინი, ვითარცა თოვლი განვასპეტაკო (ისაია 1; 18). ხოლო ნუ მიეცემი სასოწარკვეთილებასა, ამისათვის რომ უფალი მრავალ-მოწყალეა, გარნა ნუ იქმნები დაუღვევნიცა, რამეთუ იგი მართალია“.

მასაძინებელს სუფთა ფურცელი ვთხოვე

და ის წერილი თავისი მინაწერთურთ სიტყვასიტყვით ვადმოვწერე ჩემთვის. წერილი და სხვა გაყვითლებული ქალღლები კვლავ ერთ შეკვრაში გაფახვიე, როგორც იყო და კარადაში, ლაზარეს უჯრაში ჩავდე.

შემდეგ ქალბატონ გოგუცას შევეკითხე, როგორ დასრულდა ბატონ ლაზარეს ცხოვრება-მეტეი.

— მსოფლიო ომის დაწყებამდე ერთი წლით ადრე, ძია ლაზარე ორმოცდახუთი წლის შესრულდა. ჰოდა, იმ წელიწადს, ერთ დღესაც ადგა და გადაიკარგა, — მიპასუხა ქალბატონმა გოგუცამ.

თავის ლამაზ ცოლს ასეთი ბარათი დაუტოვა: „ძვირფასო მეგობარო! გადავწყვიტე, ჩემი გზით წავიდე. ნურც ჩემი ძებნით შეიწუხებ თავს და ნურც ჩემზე დარდი. მით უმეტეს რომ, ისეთი ხვედრი არ ამირჩევია, სადარდებელი რომ იყოსო“.

მას მერე ძია ლაზარე აღარ გვინახავს. — ქალბატონო გოგუცა, თქვენ როგორ ფიქრობთ, რა გზა და ხვედრი შეირჩია ბატონმა ლაზარემ?

— პირველ ხანებში ბევრი მითქმამითქმა იყო მის გაუჩინარებასთან დაკავშირებით. რა არ ითქვა, ყველაფრის განხილვა ახლა აღარც შემიძლია, არც ღირს და არცაა საკადრისი. მხოლოდ უფრო საგულისხმო იმდროინდელ ვარაუდებს გეტყვი.

ზოგი ამბობდა, ალბათ ბერად აღიკვეცა მონასტერშიო.

— იქნებ მართლაც მასე ქნა ბატონმა ლაზარემ.

— სავსებით შესაძლებელია. ოღონდ ეგაა რომ, ჩვენ, სადაც კი ხმა მიგვიწვდებოდა, ყველა იმდროინდელ აქაურ მონასტერში მოვიკითხეთ და არსად აღმოჩნდა. მოწამეთაში კი, ისედაც ყოველ წელს დადილით ორ ოქტომბერს მოწამეთობაზე და მისი გადაკარგვის მერე, მოწამეთობაზე ჩასულნი, იქაურ ბერებს განსაკუთრებულად ვაკვირდებოდით. ძია ლაზარე მათ შორის არ ჩანდა. რამდენიმე წელიწადში, ისე მოიტანა დრომ და გარემოებამ, რომ ყველა მონასტერი დახურეს, ბერები იქიდან გამოორქეს და აიძულეს, ამქვეყნიური ცხოვრებისკენ ექნათ პირი. იმ დროს მაინც ხომ უნდა გამოჩენილიყო ძია ლაზარე, თუკი მანამდის მართლაც რომელიმე მონასტერში ცხოვრობდა.

ძია ლაზარე, როცა უკვე სამი-ოთხი წლის გადაკარგული იყო, ერთმა აქაურმა ქალმა ვეითხრა, რომ თბილისში სტუმრად ჩასულს, სიონის ტაძარში საზეიმო წირვაზე თვალში მოხვდა ერთი კაცი მრევლიდან, რომელიც, მისი ვარაუდით, ნამდვილად ჩვენი ლაზარე იყო, წვერ-მოშვეებული და ასაკომომატებული. იმ დღეს ერთი ათთორმეტ დიდ დღესასწაულთაგანი ყოფილა; ტაძარში ტევა არ იყო და ამიტომ ამ ქალმა ვერ შეძლო იმ კაცთან ახლოს მისვლა და გამოცნაურება. იმავე საღამოს კი ის ქალი ქუთაისში გამოემგზავრა.

— იქნებ სწორი იყო ის ქალი და ბატონი ლაზარე მართლაც თბილისში გადასახლდა.

— ისე, თუ მაინცდამაინც საცხოვრებელი ადგილის გამოცვლა უნდოდა ძია ლაზარეს, თბილისში უფრო გადასახლდებოდა, ვიდრე, ეთქვათ, საფრანგეთში ან ესპანეთში, რადგან საიმისო თანხები მას

არ გააჩნდა, ევროპაში გამგზავრებას რომ დასჭირდებოდა. ოღონდ, [ქართული] რომ იგი თბილისში დასახლდებოდა, რატომ. ძია ლაზარეს განაკარგვის რამდენიმე თვის მერე მისმა ლამაზმა ცოლმა აიღო დ დატოვა აქაურობა. არც გაემტყუნება, თბილისში გაზრდილ ქალს, აქ მარტო დარჩენილს, რალა თქმა უნდა, გაუძნელდებოდა. ჰოდა, ის ქალი თბილისში დაბრუნდა მამის სახლში და ძია ლაზარეც მართლა რომ თბილისში დასახლებულიყო, ცოლ-ქმარი ადრე თუ გვიან, ხომ წააწყდებოდნენ ერთმანეთს და ეს ამბავი ჩვენამდისაც მოაღწევდა.

— ქალბატონო გოგუცა, კიდევ თუ გამოითქვა რამე საგულისხმო ვარაუდი მაშინ?

— ერთნი ამბობდნენ, თავს მოიკლავდაო.

— თქვენც ასე გგონიათ?

— ძია ლაზარე ისეთი კაცი იყო, რომ, მე ვფიქრობ, თუკი თავის მოკვლას დანამდვილებით გადაწყვეტდა, იხამდა კიდევ თავს. მითუმეტეს, რომ თავის ძვირფას და ლამაზ მათუხერს მუდამ თან დაატარებდა.

ისე, შვილო, მე დარწმუნებით ვერც ვიტყვი, თუ რა გზა და ხვედრი შეირჩია ძია ლაზარემ. მას რომ შვილი დარჩენოდა, ის ალბათ უფრო გალმოდგინდ მოძებნიდა მამის კვალს. ჩვენ კი პირველ ხანებში შევშოთოდით და მერე, რა დასამალია — და, თანდათანობით შევეჩვიეთ უიმისობას. ეგ კი არა, ზოგი უკმაყოფილოც დარჩა, არც მალავდნენ ამას და ასე ამბობდნენ: შეგვარცხვინა ლაზარემო, ვიდრე ჩვენ შორის ცხოვრობდა, მაშინაც ხომ უცნაური და თავისებური იყო და ეს წავსვლა და გადაკარგვა, ვითომ რალა იყო, რა არ მოეწონა ან ვის ემღეროდო?..

სხვა, აბა, რა ვითხრა, შვილო, მის შესახებ. მე ჩემდათავად, როგორც დამამახსოვრდა, ძალიან კარგი კაცი იყო. და მაშინ რა გზა და ხვედრიც არ უნდა აერჩია, ერთი კი ნამდვილია, რომ საღმრთოსოდ მისი ძვლებიც აღარ იქნება ამქვეყნად. უფალმა აცხოვოს მისი სული!

(დასასრული შემდეგ ნომერში)



მარინა ცვეტაევა



ლამაზესი ყმაწვილი ქალი, უცილობელი ტურფა ასული მრავალასული იანი რუსული ოჯახიდან, სად სამი დაა და, როგორც ზღაპრებში ღმერთს, უმცროსი მზეთუნახავად გაუჩენია: სად უმცროსი თუვინდ უფროსი ქალიშვილი, გაკოტრებულ, უთაურ ოჯახში აღზრდილი, მაგრამ ზღაპრული მშვენიერებისა, ცოლად მიჰყვება... აქ კი შევჩერდეთ... ცოლად ვის მიჰყვებოდა ნატალია გონჩაროვა 1831 წელს?

არის სამი პუშკინი. პუშკინი მისი მოყვარულებისათვის (ანუ მეგობრების, ქალების, ლექსის მოტრფიალეთა, სტუდენტობის), პუშკინი ცნობისმოყვარე ხალხისათვის (ანუ ყველა იმათი, ვინც უკა-

ხლოდ თუ მეორეა, ნუთუ მეფისთვის მანამდელი პუშკინიც კი ცოტა იყო? მეტი სად ნახა? ან მეტი ოცდათექვსმეტი წლის კაცისთვის შეიძლებოდა? მაგრამ ხანდახან ღმერთიც მეტყველებს ცენზორთა პირით: ის რაც უნდა ყოფილიყო ნიჭით, მოქცევით, აი, რისი თქმა სურდა მეფეს. არადა, თქვა კი, მივეტირით პუშკინის მომავალსო, ანუ ჩვენზე თქვა, ჩვენზე, უნუგემოდ დარჩენილებზე პუშკინის ასეთი ყოფით.

ნიკოლოზი, ვით საშიშ ნადირს, პუშკინს ისე ეფერებოდა, ნადირს, რომელიც საცაა გაგლეჯს. იგი პუშკინს იჩვევდა. საუბარი „რუსეთის უჭკვიანეს ადამიანთან?“ ჰკუაუც საშიში ნადირია, მეფეებისათვის ეს ყველაზე საშიში მხეცია, მეტადრე მაშინ, როცა იგი თავის ნებაზე მიშვებული ნიკოლოზმა პუშკინი გალიაში გამოამ-



მარინა ცვეტაევა

# ნასკანელი ბონერაჩოვა

1878/1

ნასკანელ ჭორს მის თაობაზე ლამის უკანასკნელ ლექსზე უფრო ხარბად ყლაპავდა, პუშკინი მსაჯულთათვის (ანუ მეფის, პოლიციის, ბულგარინის, იქსის, ივრეკის... მისი სიკვდილის შემდეგ მათი თქმულის მიხედვით) და, ბოლოს, პუშკინი მერმოსელთა, ანუ ჩვენთვის, შთამომავლობისათვის.

ამათგან ცოლად ვის მიჰყვებოდა გონჩაროვა? ყოველ შემთხვევაში, არც პირველს და მით უმეტეს, არც უკანასკნელს, რამეთუ მოყვარულნი და მერმოსელნი ერთნი არიან. იქნებ მეორეს, ჭორების პუშკინს, ან, რაკინდ მწარეც უნდა იყოს, უფრო სწორი იქნება ითქვას: პუშკინს მსაჯულთა, ანუ მეფის კარის კაცთა თვალთ დანახულს; პუშკინს, თუნდაც ლექსების პატრონს, მაგრამ უჩინოს; პუშკინს, უჩინოზე უფრო უარესს, დეკაბრისტთა მეგობარს გუშინ და მეთვალყურეობის ქვეშ მყოფს ამჟამად.

რაც არ უნდა თქვან ნიკოლოზ მეფის სიყვარულზე პუშკინისადმი, მეფის ეს სიტყვებიც პოეტზე საკმარისია: „აქ სიწყნარეა, მხოლოდ პუშკინის ტრაგიკული სიკვდილითაა ყველა გართული, რაიც ათასნაირი ბრყვეული მითქმა-მოთქმის წყარო გამხდარა. იგი დაიჭრა სასიკვდილოდ სულელური კარტელის დროს, რისი მიზეზიც თავად ვახლდათ, მაგრამ, ღვთის მადლით ქრისტიანად გარდაიცვალა.“ და კიდევ მისი პასუხი ქვემოთ მოყვანილ პასკევიჩის ამ სიტყვებზე.

— „ვნანობ პუშკინზე, როგორც ლიტერატორზე. მისი ნიჭი დაღვინების ხანაში იყო, მაგრამ კაცი კი ცუდი ვახლდათ.“

„შენს აზრს პუშკინზე სავსებით ვიზიარებ, მასზე შეიძლება თავისუფლად თქვა, რომ მის მომავალს უფრო მივეტირით, ვინემ წარსულს.“

მომავალს... ვისას? „კარგი“ კაცისას „ცუდის“ საპირისპიროდ? თუ დიდი მწერლისას მომავალში? თუ პირველია, და პუშკინს ოდნავ მაინც იცნობდა, საიდან მოაქვს, ან, უკეთ, როგორ დაუშვა, რომ პუშკინი „გაკარგდებოდა“ მისი გაგებით თუნდა სასიკვდილო სარეცელზე მეფისათვის თვით შეეფიცა... ფიცს აკი მომაკვდავი იძლევა მულამ, სიტყვას ასრულებს თუ არ ასრულებს, მხოლოდ ცოცხალი.

წყვილია, გალია კი მოუოქროვა: კამერიონკერის მუნდირი და, ოი, დაციწვავ! არქივში თავისუფლად შესვლის უფლება საზღვარგარეთ წასვლის ნებართვის ნაცვლად, რისი ეშხითაც აჩრებდა კიდევ თავისთან: „შენ სამსახურიდან გადადექი. მე კი ვაგისხნი არქივის კარსო...“ და პუშკინიც დარჩა. სოფლის ნაცვლად სამეფო კარი, და სიკვდილი სიცოცხლის მაგიერ.

ნიკოლოზი პუშკინს მულამ შიშით უცქეროდა, შიშით უცქეროდა მას გონჩაროვაც. დამოკიდებულზეა ორივესი ერთნაირია. თუ ნიკოლოზს პირველი, ჰკვიან მამაკაცს, პუშკინის ჰკუა აშინებდა, გონჩაროვას, ვით ქალს, ქვეცნობიერად ემინოდა, მთელი მისი არსების. ნიკოლოზი თვალთ ხედავდა, გონჩაროვა გულანით გრძნობდა. და კიდევ საკითხავია, რომლის შიში უფრო მეტია. თუ ჰკუა და მისი არსება ორივეს, მეფესაც და მზეთუნახავსაც, შიშსა ჰგვრიდათ, და აფრთხობდათ კიდევ.

მაინც რად ვაჰყვა გონჩაროვა პუშკინს არამდიდარს, არასახიერს, არაწარჩინებულს, არასაიმედოს, არასაყვარელს? ოჯახის გაკოტრების მიზეზის გამო? სისულელეა! მისთანა მზეთუნახავნი სწორედაც კაცთა ვასაკოტრებლად ჩნდებიან ქვეყნად. რა წამს უნდოდა, ყველაზე მდიდარს. ბრწყინვალე და საიმედო კაცს მისთვის ვეძებოდა, სწორედ პუშკინის საპირისპიროს. მისი დიდების გამო? მაგრამ გონჩაროვა, როგორც ლამაზი და, მხოლოდ ლამაზი ქალი პატემოყვარე სულაც არ იყო. ხოლო დიდებას პუშკინისას რა ფასი ჰქონდა მის წრეებში, ეს კარგად ვუწყით. ლექსების გამო? ამის საუკეთესო მაგალითი მისივე პირით ნათქვამია:

— „წაიკითხეთ, წაიკითხეთ, მაინც არ გისმენთ.“

ხოლო კიდევ უკეთესად თვით პუშკინის სიტყვები უღერს:

„...ზოგჯერ სიზმრებში ვასაოცარ ლექსებს ვნახულობ, მართლა დიდებულთ, მაგრამ ვით გინდა დაიჭირო, ძილში რასაც სწერ. ერთხელ საწყალი ნატაშა ვავალვიძე და ის წუთთა დასიზმრებული ლექსები წავუკითხე, მერე სინდისის ქეხჯნამ მომიკლა, ისე ეძინებოდა!“

— „რატომ მაშინვე არ ჩაიწერეთ ის ლექსები? — დამცინავად შემომხედა და დაღონებით თქვა:

— ცოლმა მითხრა, ღამე ძილისთვის შექმნა ღმერთმაო. გული ძალიან მოუვიდა, საკუთარმა თავკერძობამ მეც შემაწუხა და ლექსებიც უმალ გამიფრინდა“ (ა. ო. სმირნოვა, ჩანაწერები, ტ. I).

მაშ, რატომ? რისთვის? დიდი ვნების წინაშე შიშით. გონჩაროვა იმ შიშის გამო მისთხოვდა პუშკინს, თავის ცენზორულ კირთებქვეშ ნიკოლოზმა შიშის გამო შეიფარა პუშკინი.

— არ ვაყვებ ნებით, ძალით მაინც დამითანხმებს. ისევ სჯობს, ვაყვებ. ვაყოლა უფრო იოლია. სულერთია, მაინც ასე იქნება. — აი, როგორ უღერს თანხმობა გონჩაროვასი. იგი პუშკინს სიყვარულის გარეშე ვაჰყვა ლამაზი ქალის გულგრილობით, უსულულო ხორცის ინერტულობით, როგორც თოჯინა!.. ან იქნებ კიდევ ფარული ძრწოლით. ხოლო პუშკინმა ეს იცოდა, იმ წუთს გონჩაროვასზე მეტი იცოდა. რომ არა ვთქვით რა ვანგება-ბედისწერაზე, რაც ყოველთვის გამგებელია ამბავთა და შემთხვევათა შორის, პუშკინს, ვინც ესოდენ ბევრ ქალს იცნობდა — არ შეეძლო, არ სცოდნოდა უფრო მეტი გონჩაროვასზე, ქალზე, ვისაც არასდროს ჯერ არავინ არ ჰყვარებია.


აი, მისი წერლით:

„...მხოლოდ მიჩვევა და დიდი ხნის სიასლოვე აღუძრავს თქვენს ქალს ჩემდამი გრძნობას. მე იმედოდ მარტო ისა მაქვს, გაივლის დრო და შემეჩვევა, მაგრამ ისეთი არაფერი არ გამაჩნია, რომ მოეწონოს: ხოლო თუ იგი დამთანხმდება, ცოლად გამომყვებს, ეს იქნება მხოლოდ დასტური მისი გულის მშვიდი სიგრილისა.

...ხომ არ ინანებს? ხომ არ შემედავს, ვით დაბრკოლებას. ვით ადამიანს, ვინც მოტყუებით ჩაიგდო ხელში? ხომ არ შევეზიზღები? ღმერთთა მოწმე, მისი გულისთვის მზადა ვარ, მოვკვდე, მაგრამ მოკვდე მხოლოდ იმისთვის, რომ ბრწყინვალე ქვრივად დავტოვო, რომ თავისუფლად აირჩიოს თუნდაც ხვალვე ახალი ქმარი — ამაზე ფიქრი — ჯოჯოხეთური ტანჯვაა ჩემთვის!..“ (პუშკინი ნ. ი. გონჩაროვას (დედას), 1839, აპრილის პირველი ნახევარი).

პუშკინმა იქორწინა თვალახელილად ღია კი არადა, ლამის ვაგლეჯამდე გაგანივრებული თვალთ, უქმუთუთობოდ. გონ-

ნაქ. სსრ კ. მარქსის სახ. სახ. რესპუბ. ბიბლიოთეკა



ჩაროვამ კი, ბრმად თუ ნახევრად ბრმად, ქუთუთებდახურულმა, როგორც ეს ულამაზეს და უტუტურეს ასულს შეჰყვარის.

ნატალია გონჩაროვას ბრალი თავიდანვე აქვს მოხსნილი.

...სიყმაწვილე, გამოუცდელია, ოჯახური მოსახრებანი — ეს საბუთად არ გამოდგება. ვოლკონსკის ცოლი ყმაწვილიც იყო და გამოუცდელიც, ოჯახსაც (გაიხსენოთ მისი ციმბირში გამგზავრება!) თავისი აზრი ჰქონდა ამის თაობაზე. თანაც როგორი! სიყმაწვილე, გამოუცდელია, ოჯახი — ეს შეიძლება იმ დროის ყველა გასათხოვარ ქალზე ითქვას და არაფერს არ ხსნის მათ. იმ წრის ყოველი ყმაწვილი ქალი თითქმის გრძნობებიან და ხელოვნებით სულდგმულობდა მხოლოდ და მხოლოდ და ამის გამო უფრო მეტი გაეგებოდათ გულის განცდებისა, ვინემ ჩვენს ყველაზე თამამ, ყველაზე ფხიზელ და განათლებულ თანამედროვე ქალიშვილს გაეგება.

ეს ცხოვრება ჩვენ კარგად ვიცით. საზოგადოებაში ტრიალებდა, ბრწყინავდა. ყველა, ცამეტი წლის ლიციესტიდან სრულიად რუსეთის მპყრობელამდე, თავიანთ სცემდა და აღმერთებდა არა იმიტომ, თავად ეწადა, თუმცა არც წინააღმდეგი იყო ამისი. ვითარც ელენე, აჩენდა შვილებს, რომელთაც ქმრის სურვილით ჩვეულებრივ სახელს არქმევდა... გულგრილობა გაჩენისას, გულგრილობა სახელის დარქმევისას, უნდა ვიფიქროთ, გულგრილობა მათი ჩასახვის დროსაც. ან სხვა რაა, თუ არ გულგრილობა არმონაწილეობა საკუთარ გამარჯვებაში, ვინაიდან იმარჯვებდა მხოლოდ თვალები, მხრები, ხელები, და არა არსი, არა სურვილი გამარჯვებისა.

კეკლუცობა? არა იმაზე მეტი, რაც მისი დროის ქალებს. მასზე ნაკლებ ლამაზებს ჰქონდათ. ის კი არ იყო უფრო კეკლუცი. ისინი იყვნენ ნაკლებ ლამაზნი. აქედან იყო წარმატებაც. ორი ვნება და უჩინი, თუკი მასზე შეიძლება ამ სიტყვების თქმა: საზოგადოებაში გამოჩენა და ამის პირუტყვი: სოფლად ცხოვრების ზიზღი: პუშკინის ბოლდინოში ცხოვრების ოცნებაზე აკი ასეც თქვა:

— „მგლებში? საათის ტაკატუკი? ხომ არ გაგაფლდით!“ და ცრემლების ღვარი წასკდა.

ცუდი ცოლი? სხვებზე, მისთანებზე ცუდი არა! ცუდი დედა? არასაყვარელი ქმრისგან ნაშობი შვილებისადმი სხვებზე ცუდი არა. როცა პუშკინი მოკლეს, კიდევ იტირა.

არა, არა აქვს გონჩაროვას არაფერი ისეთი ცუდი და მანკიერი, რაიც მისთანა ათასებს არ გააჩნიათ, თუმცა მისთანანი ათასობით არ დაითვლებიან. მხოლოდ სილამაზე კი ჰქონდა. ლამაზი ქალი იყო მხოლოდ. ულამაზესი, ვარეშე ჰკუის, სულის, გულის, ნიჭისა... შიშველი სილამაზე, მეხდამცემი და განმგმირავი. და გაჰგმირა კიდევ მხოლოდ გენიოსი მხოლოდ ლამაზმა ქალმა!

რამეთუ ყველაფერი: ორგულობა სიყვარულში, ერთგულება მეგობრობაში, ვაჟიშვილობა თავისი ცუდი და უნიჭო მშობლებისა (პირდაპირ რომ გამორიცხავს პუშკინობის შესაძლებლობას)... მთელი ვნებითა და გზნებით ვაჟიშვილობა რუსეთისა — არა დედის, დედინაცვლის! ეჭვიანობა და ორგულობა ცოლქმრობაში — პუშკინი მეგობარი, პუშკინი ქმარი. პუშკინი მეამბოხე მეფის ტახტის, საზოგადოების, ძიძის, ეკლესიისა. პუშკინი თავისი მრავალი და მრავალი სახით. ყველაფერი ეს შეკრულია ერთი დულაბით — პოეტობით.

ყველაფერი და ყოველივე მოსახმარისად! თუ კერძი, თუ პუფაჩოვი თუ სასახლის მელამარენი, რომელთაც გაჰყვა და სამი დღით გადაიკარგა მათ მოსასმენად და ნაამბობის ჩასაწერად (ასე მიჰყავდა უკანმოუხედავად იგი ყველაფერს).

თავისი გენიით იგივე, რაც გონჩაროვა — თავისი სიტურფით. ისეთივე გენიოსი, როგორც იგი ლამაზი. არაა წყვილი? არა, წყვილია! წყვილი ძალის მიხედვით, ოღონდ სხვადასხვა მხარეს მიმართული, ანუ წყვილი ცალ-ცალკე გათიშული ერთმანეთისგან. მხოლოდ ეს და არა სხვა რამე იგულისხმება ვიზუალის ზერეულ შენიშვნაში: „ჩვენი დროის უპირველესმა რომანტიკოსმა პოეტმა უპირველესი რომანტიკოსი ქალი შეირთო“.

სხვები ცდებიან, როცა ამბობენ: „არ იყო წყვილი“. უპირველესმა უპირველესი შეირთო ცოლად და არა, ჰკუთნებდა უტყუო ქალი, და არა, სილამაზით უპირველესმა ჩია მამაკაცი. გენიოსი ისეთივე წმინდა მოვლენა, ვით სილამაზის, სილამაზის ანუ სიცარიელის (ადამიანის საბედისწერო პირველი ნიშან-თვისება: არ სურს, იყოს საბედისწერო და ხშირად არც იცის, რომ მიიწვ არის. ვით ნოვატორს, არასდროს არ სურს ნოვატორობა და გულწრფელად სჯერა, რომ მხოლოდ მისებურად აკეთებს საქმეს, ვინემ ყურებს არ გაუხვრეტენ მისი სიახლით, მემარცხენეობით... საბედისწერო ემანაცია!).

ნატალია გონჩაროვა მხოლოდ საბედისწერო ქალი ვახლავთ. ესაა ცარიელი ადგილი, რომლის ირგვლივ იკრიბება და ერთმანეთს ეჯახება ყველა ძალა და ყველა ვნება. ადგილი სასიკვდილო და დამლუპველი (პუშკინის კუბო ვარდების ქვეშ!), როგორც ელენე ტროადელი საბაბი იყო და არა მიზეზი ტროას ომისა, გონჩაროვაც არა მიზეზი, საბაბი იყო პუშკინის დასაღუბად, რაიც აკვიდან შუბლზე ეწერა. ამისათვის ბედმა ყველაზე უბრალო და უწყინარი იარაღი — ულამაზესი ქალი არჩია.

პუშკინის ლტოლვა გონჩაროვასადმი, თვითონ რომ აკვიტებულ ვნებად ჩათვლიდა ალბათ და დასტურ ასე თვლიდა კიდევ (ჯადო „გაგონჩარება“). გენიოსი ლტოლვა, სულის სისავისი ლტოლვა იყო ცარიელი ადგილისაკენ გასაქანი რომ მისცემოდა. ხომ იყვნენ პუშკინის გვერდით სხვა ქალები, მაგრამ ხომ ტყუილად არ არჩია სწორედ იგი! (დიახ, იცოდა, ვისაც ირჩევდა). ნული უნდოდა, რამეთუ ყველაფერი იყო თავად, და კიდევ სურდა ის ყველაფერი, რაშიაც თავად ნული იყო. წყვილი არ იყო მისთვის როსეტი, რაევსკაია არ იყო კერძი. მისი წყვილი მხოლოდ გონჩაროვა აღმოჩნდა. როსეტის ჰკუას, კერძის სიყვარულს არ დაგიდევდათ. მას უნდოდა პირველი და მიუღწეველი. მისი ქორწინება ისეთივე გენიალური ამბავია, როგორც მისი სიკვდილ-სიცოცხლე.

„გონჩაროვა არ იყო მისი წყვილი“. თითქოსდა, მხოლოდ ისაა წყვილი, როცა ერთმანეთს ხმას შეუწყობენ! არიან წყვილები, ერთმანეთისკენ ლტოლვის ვარსკვლავზე დაბადებულნი, ერთმანეთზე შეყვარებულნი, ბედნიერები ჩანაფიქრით, მისწრაფებით ერთმანეთისკენ, თუნდაც მათ შუა სასაიდლო მაგიდა იყოს („ფილიმონე და ბაკიდა“), ვინდ სასიკვდილო სა-

რეცელი („რომეო და ჯულიეტა“), ვინდ მონასტრის ხარისხები („ელიოზა და აბელიარი“), ვინდ ყველა ზღვე, რომელიც ბობს ამა ქვეყანაზე („ტრისტანი და იზოლდა“).

არიან კიდევ წყვილები გათიშულნი, თითქმის დაგლეჯილ-დაწყვეტილები. ზიგურდი, რომელმაც ბრუნვილად ვერ შეიწვინო, პენზეფელეა, ვინაც აქილევსი ვერ გამოიწვინო. და მაინც იმათ წყვილები ჰქვიათ. მაგრამ არიან წყვილები საბედისწერო, შინაგანადვე განწირულნი, არც ამ წუთისათვის და არც იმქვეყნად, ვისთვისაც იმედი არ არსებობს.

პუშკინი და გონჩაროვა!

ვინ და რაა გონჩაროვა თანამედროვეთა გადმოცემით? ქალი ულამაზესი „მელანქოლიის, განდგომის ბეჭდით...“ შემდგომი წვეულებისა თუ კაბის გამო? ჩუმი, მღუმარე. თუ მისი სიტყვები მოაქვთ, სულ უბრალოა და უშინარსო. გასაოცრად უსიტყვო ქალი. ყველა მხოლოდ მის ღიმოლზე, სიარულზე, თვალებზე, მხრებზე, ყურებზეც კი ლაპარაკობს. რა თქვა, რა ილაპარაკა, სიტყვას არავინ ძრავს. რამეთუ იგი მთლიანად — ღიმოლია, თვალები, მხრები, ყურები და ასეც დარჩა: ელენე უწყინარი და უსიტყვო, თოჯინა, ბედის იარაღი.

მეკლისებისადმი ისეთი ლტოლვა, ვით პუშკინის ლექსებისადმი: ერთადერთი სრული შესაძლებლობა გამოვლინების (მოვლინება და გამოვლინება!) დარბაზში შესვლით, უკვე ყველაფერს მეტყველებდა ყოველივეთი, ყურის ბიბილოდან ფეხის წვერამდე. ყველაფრით ერთად, გარდა სიტყვების. მთელი ყოფა ლამაზი ქალის გამოჩენაა. დარბაზები და მეკლისები გონჩაროვასთვის ბუნებრივი სამშობლო იყო. მხოლოდ იმ საათებში არსებობდა, ცოცხლობდა იგი. კეკლუცობა კი არა, არსებობდა, ყოფნა ეწადა. აი, ეს იყო სასახლისა და სოფლის ამოცანის მთელი ამოხსნაც.

შინ ამთქნარებდა. იტანჯებოდა, ტიროდა კიდევ: კვდებოდა შინ. ქალღმერთი თოჯინად იქცეოდა, არყოფნას უბრუნდებოდა.

თუ ერთმანეთის წყვილი არ იყო ქორწინების ქრისტიანული ვაგებობით მხოლოდ, რაც ეფუძნება ერთად სწრაფვას სიკეთისადმი. არც ერთობა, არც სწრაფვა და არც სიკეთე არ ყოფილა. თუმცა არა, სწრაფვა იყო: საქორწინო ეტლი არბატის გავლით, ხიტროვას სახლი, სადაც ჯვარისწერის შემდეგ ახალგაზრდები გაემგზავრნენ, მათ პირდაპირ ჩორნაია რეჩკაზე მიაქანებდა. აქედან გზები გაიყარა: გონჩაროვასი — ლანსკოისაკენ, პუშკინისა — მონასტერში სვიატოვროსკისა.


წარმართაა წყვილი, ღმერთის გარეშე, მხოლოდ და მხოლოდ ბედისწერით...

შემადრწუნებელი წვრილმანი ერთი: ეტლი, რომელიც პუშკინს ჩორნაია რეჩკისკენ მიაქროლებდა, სასახლის სანაპიროზე გონჩაროვას ეტლს გაუსწორდა. ერთმანეთი რომ დაენახათ... „მაგრამ პუშკინის ცოლი ბეცი იყო, პუშკინი კი მეორე მხარეს იყურებოდა“.

სინამდვილეში პუშკინი თეთრცხენოსანს უნდა მოეკლა, რაიც ესოდენ წმინდად სწამდა, რომ შეცდომით ვეისკობვად შერაცხა იგი (თითქოს საკუთარ სიკვდილს ზომავდა) — პოლონეთის ომის ერთ-ერთ გენერალად, სადაც სიკვდილის შესაგებებლად ასე მისწრაფოდა. ვანგება კი



# ა. ს. მაკარენკო



ბავშვთა აღზრდა მნიშვნელოვანი დარგია ჩვენი ცხოვრების. ჩვენი ბავშვები — ეს ჩვენი ქვეყნის მომავალი მოქალაქეებია და მსოფლიოს მოქალაქეებია. ისინი შექმნიან ისტორიას. ჩვენი ბავშვები — ეს მომავალი მამები და დედებია, ისინი აგრეთვე იქნებიან თავიანთი შვილების აღმზრდელნი. ჩვენი ბავშვები უნდა გამოიზარდონ შესანიშნავ მოქალაქეებად, კარგ მამებად და დედებად. მაგრამ ესეც ყველაფერი როდია: ჩვენი ბავშვები — ეს ჩვენი სიბერეა. სწორი აღზრდა — ეს ჩვენი **ბედნიერი სიბერეა**, ცუდი აღზრდა — ეს ჩვენი მომავალი უბედურებაა, ეს — ჩვენი ცრემლებია, ეს — ჩვენი დანაშაულია სხვა ადამიანთა წინაშე, მთელი ქვეყნის წინაშე.

არ შეიძლება გამოყოფილი იქნას საქმეები საზოგადოებრივი საქმეებისაგან. თქვენი აქტიურობა საზოგადოებაში ან სამუშაოზე გამოხატულებას უნდა პოულობდეს ოჯახშიც, თქვენი ოჯახი უნდა ხელდახმავდეს თქვენს პოლიტიკურ და მოქალაქეობრივ საქმეს და არ გამოყოფდეს მას მშობლის სახისაგან. ყველაფერი, რაც ხდება ქვეყანაში, თქვენი სულისა და თქვენი აზრის საშუალებით უნდა მიდიოდეს ბავშვებამდე. ის, რაც ხდება თქვენს ქარხანაში, რაც გახარებით ან გაწუხებით თქვენს უნდა აინტერესებდეს თქვენს შვილებსაც. მათ უნდა იცოდნენ, რომ თქვენ საზოგადოებრივი მოღვაწე ხართ და ამასობაზე თქვენით, თქვენი წარმატებებით, თქვენი დამსახურებით საზოგადოების წინაშე, და ეს სიამაყე მხოლოდ იმ შემთხვევაში იქნება ჯანსაღი სიამაყე, თუ მისი საზოგადოებრივი არსი გასაგებია ბავშვებისათვის; თუ ისინი არ ამოცხვენ თქვენი კარგი კოსტუმით, თქვენი ავტომობილით თუ სანადირო თოფით.

თქვენი საკუთარი ყოფაქცევა — უადრესად გადამწყვეტი საქმეა. ნუ იფიქრებთ, რომ თქვენ აწარმოებთ ბავშვის აღზრდას მხოლოდ მაშინ, როდესაც მას ელაპარაკებით ან არიგებთ, ან უბრალოდ ხედავთ. თქვენ აწარმოებთ მის აღზრდას: თქვენი ცხოვრების ყოველ მომენტში, მაშინაც კი, როდესაც თქვენ შინ არ ხართ. როგორ იცვამთ, როგორ ელაპარაკებით ადამიანებს და ლაპარაკობთ მათ შესახებ, როგორ მხიარულობთ ან ნაღვლიანობთ, როგორ ეპყრობით მეგობრებს და მტრებს, როგორ იცინით, კითხულობთ გაზეთს, — ყველაფერი მას დიდი მნიშვნელობა აქვს ბავშვისათვის.

გონჩაროვას შემწეობით დანტესს არჩევს, ისეთივე სიცარიელეს, როგორც თავად გონჩაროვას. პუშკინი თეთრ თავს არ მოუკლავს. იგი მოკლა რაღაც შუალედმა.

„...რა დამრჩენოდა, დუელისთვის ვიწყებ მზადებას. ვიყიდე დამბაჩები, ამოვირჩიე სეკუნდანტი, მოვაწესრიგე ქაღალდები და ლოდინში ვიყავ მთელი სამი თვე. ლოდინი კი ტყუილი გამოდგა. ეს კია, გულში მტკიცედ მქონდა გადაწყვეტილი, პუშკინისათვის არ მესროლა, ხოლო ჩემთვის რამდენჯერმეც რომ ესროლა, წარბი არ შეემხარა“ (ვ. ა. სოლოგუბი — კაცი მისგან შეურაცხყოფილი!).

არა ასეთმა, არამედ სწორედ დანტესმა, ლამაზმა კავალერგარდმა პუშკინის გამოსათხოვარ მისატყვებელ სიტყვებზე შეძლო სიცილით ეთქვა: „გადაეცით, რომ მეც მიუტყვევებ!“ თუმც ეს სიკვდილი იცინოდა პუშკინისა არა დანტესი, ეს თეთრი ცხენის ხეხვიანი იყო.

რომ პუშკინი არ გვევარებოდა (ვით გონჩაროვას და ვით დანტესს), მოგვეკლა იგი, ეს ნიშნავს, მისი არაფერი არ გცოდნოდა. გონჩაროვა, ვისაც იგი არ უყვარდა, მან ითხოვა დანტესის დამატებით, ანუ საკუთარ სიკვდილთან ერთად. ამიტომაც, უღალატა თუ არ უღალატა პუშკინს ცოლმა, ეკეკლუცებოდა თუ კოცნიდა დანტესს, მხოლოდ კოცნიდა თუ იყო სხვა ყველაფერი — აზრი არა აქვს, რამეთუ დანტესი მან დეულში მისი და არა გონჩაროვას სიყვარულისთვის გამოიწვია. რამეთუ პუშკინი დანტესს ბოლოს და ბოლოს შეხედვის გამოც გამოიწვევდა, რათა ღეთის ცნება დასტურქმნილიყო.

და კიდევ უღალატა თუ არ უღალატა გონჩაროვამ პუშკინს დანტესთან, აკოცა თუ არ აკოცა მას, მინც ბრალი არა აქვს. რამეთუ არ შეიძლება თოჯინას ბრალი დასდო, რამეთუ ასეთი იყო განგების ნება, რამეთუ პუშკინი მას არ უყვარდა.

ლანსკოი კი უყვარდა და, მგონი, ერთგული ცოლიც იყო.

„ჩვენი დღეების უპირველეს რომანტიკოს ქალს სილაშხით“, აჩრდილების არ ეშინოდა. აჩრდილი კი პუშკინისა (ცოცხალთა შორის ყველაზე ცოცხლის, ვნებიანთ შორის ყველაზე ვნებიანის, აჩრდილი შავი არაბის!) საშინელია. მაგრამ გონჩაროვას ის არ უნახვს და არ უნახვს მხოლოდ იმიტომ, რომ ვერც ნახავდა. პუშკინმა ეს კარგად უწყოდა. აჩრდილის ნახვას სხვა თვალი უნდა. საამისოდ არას ვიშველის დიდზე დიდი ნატალია გონჩაროვასეული თვალებიც კი. პუშკინის ბოლო მოსვლა მისი საბოლოო დამარცხება იქნებოდა. ქალი ლანსკოის ვერ მოსწყდებოდა, ვინც ძლივას მოიხელთა და ვისაც ძლივს მიაღწია.

გონჩაროვა და პუშკინი, მარია-ლუიზა და ნაპოლეონი. ისეთივე ავი სიზმარი, ასე სწრაფად რომ დაივიწყა გონჩაროვამ — ლანსკოის მკერდზე, მარია-ლუიზამ კი ნიკარგისა.

ძნელია მასთან ცხოვრება, ვინც არ გიყვარს. რა სჯობს საყვარელ კაცთან ცხოვრებას. ასედაცაა სიმღერებში. ისინიც უნდა შევიცოდოთ, რადგან ისინიც ცოდვანი არიან.

შემდეგ რა იყო გონჩაროვას თავს? გასააზრებელი სიკვდილის შემდეგ დაშთენილი პუშკინის ყველა რელიკვია: „ჩემი ფიქრით, თქვენთვის სასურველი იქნება

გქონდეთ ის ახალუხი, იმ უბედური დუელის დღეს მას რომ „ეცვა“. ნაშროკინს — ახალუხი (წითელ-მწვანეუჯრედისანი), ვერცხლის საათი და საფულე ოცდახუთმანეთიანითა და ქერა ლოკონით.

სახლიდან ცხედრის გადასვენებას ეკლესიაში არ დაესწრო „იმიტომ, რომ დალილი იყო და კიდევ არ სურდა ჟანდარმებს ჩვენებოდა“ (პირველი ჩვენება სხვა ასი ჩვენების შემდეგ!).

კიდევ ერთი მოწმობა ცხრა კვირის მერამე:

„ძალზე დამაღონა, ნატალია ნიკოლაევნაზე რაც მომწერეთ. საოცარია, როგორ მინდოდა ნუგეშს სწეოდა, თუმც არ მეგონა, თუ სურვილი ასე ჩქარა ამიხდებოდა“ (ა. ნ. კარამზინი ე. ა. კარამზინას, 1837 წ. აპრილი, რომი).

და მეორეც, უფრო მოგვიანებით:

— შენ მეკითხები, ნატალია და ალექსანდრინა რას იქმნიანო: არიან გაუნძრევლად, დრო გაჰყავთ, ვით შეუძლიათ; ცხელია, პეტერბურგში ცხოვრების შემდეგ, სადაც ნატალის ასე ანებივრებდნენ, ჩვენი ერთფეროვანი ყოფა დიდ სიამეს ვერ მიანიჭებს, იმიტომაც უფრო ხშირად ნაღვლიანია, ვინემ მხიარული“ (დ. გონჩაროვი — ეკატერინა ნიკოლაევნა დანტეს-ჰეკერსს, პოლოტინაინი ზავოდი, 1837 წლის 4 სექტემბერი).

და ეპილოგიც:

ნატალია პუშკინა 1844 წლის 18 ივლისს გენერალ პეტრ პეტროვიჩ ლანსკოის ცოლი გახდა.

1837-1844... რა იყო ამ წლებს შორის? ორი წელი პოლოტინაინი ზავოდში გადასახლება თავისი ნებით — „ორი წელი ჩემზე ძაძები არ გაიხადო, შეეცადე, რომ დაევიწყონ. მერე ისევ გათხოვდი, ოლონდაც თავქარიანს არ გაჰყვე ცოლად“. შემდეგ ისევ იგივე, მეფის უხენაესი მფარველობა, ვისაც არაერთხელ ებრძანებინა: ნატალია ნიკოლაევნამ წინანდელივით კვლავ დაამშვენიოსო სამეფო დარბაზობანი. გონჩაროვას ერთ-ერთი გამოჩენა იქ შემარბიტ ზეიმად იქცა.

გონჩაროვა და ნიკოლოზი კვლავ ერთხელ კიდევ შეეყარნენ.

კუბოში მძინარევე, იძინე მშვიდად, ცხოვრებით იხარე სიცოცხლით სასევე.

ასეც „იხარებოდა“ დაბერებამდე, თუ რომ პუშკინის სიკვდილიდან შვიდი წლის შემდეგ ლანსკოის არ მისთხოვდებოდა, რომელმაც (აუხსნელია გზანი უფლისანი!) ის მისცა, რაიც პუშკინმა ვერ შეიძლო, რაკი არ მისცა: ანუ სული ადამიანის.

აქ მთავრდება გონჩაროვა ანუ ელენე, გონჩაროვა ანუ სიცარიელე, გონჩაროვა ანუ ქალღმერთი და იწყება სხვა გონჩაროვა: გონჩაროვა ცოლი, გონჩაროვა ქმრის მოყვარული, ახალი გონჩაროვა, ვისაც იქნებ პუშკინიც კი შეეყვარებოდა.

პუშკინის, დანტესის, ლანსკოის გარეშე კი მისდათავად რა და ვინ იყო? იგი არ იყო, არ არსებობდა. გონჩაროვა ცხოვრებისეულ ბიოგრაფიასა და ფაქტებში არსებობს მხოლოდ (თუ როგორში, სხვა საკითხია), ვით ელენე მშვენიერი აქაელთა და დანაელთ ომში, ვინც მისდა უნებლიეთ გამოწვეულ და ამის გამო გადატანილ ჭირთა გარეშე არ არსებობს. ის ცარიელი ადგილია მომუჭულ ხელისუფლებს შუა. გაშლი ხელებს და შეგრჩება მხოლოდ ჰაერი.

თარგმანა რუსულად ქავლაქამე.



# ფლოტის რაინდი

მედიკონი  
ბიზლიროთქვა



**ს** არადოქსუღია, რომ საქართველოს, რომელიც ოდიტ-განვე ზღვისპირეთს ემიჯნებოდა, წარსულში არა ჰყოლია ძლევამოსილი საზღვაო ფლოტი და სახელგანთქმული მეზღვაურები. საბჭოთა ხელისუფლებამ სხვა მრავალ სიკეთესთან ერთად ფრთები შეასხა ქართულ ნაოსნობას, ათასობით ქართველ ჭაბუკს გაუსხნა გზა ზღვაოსნობისაკენ. ომამდელ თაობას სისხლში გაუჯდა ზღვის რომანტიკა, მოგზაურობის წადილი.

საბჭოთა კავშირის სამხედრო-საზღვაო ფლოტის ისტორიაში ბევრი ქართველი მეზღვაურის გვარი ოქროს ასოებით ჩაიწერა: ვიცე-ადმირალი გ. ს. აბაშვილი, კონტრ-ადმირალები ს. ა. კაპანაძე, ვ. ნ. ლეყავა, ს. ს. რამიშვილი, კ. დ. სუხიაშვილი, მ. ზ. ჯინჭრაძე. აი იმ გმირთა არასრული სია, რომელთაც თავიანთი შეუპოვრობით, თავდადებით, უშიშრობით ასახელეს სამშობლო.

მათი ტრადიციების გამგრძელებელია ჩვენი თანამედროვე სახელგანთქმული კონტრ-ადმირალი ბორის ანატოლის ძე ანანიაშვილი, რომელიც 40 წელზე მეტია, რთულ სამხედრო-საზღვაო სამსახურს ეწევა.

ბორის ანანიაშვილი დაიბადა 1927 წლის 10 ნოემბერს. მამა ანატოლი ანანიას ძე სამხედრო მოსამსახურე იყო. მის ოჯახს ხშირად უხდებოდა საცხოვრებელი ადგილის გამოცვლა. ბავშვობა ბორისმა აზოვის ზღვის ნაპირას, ქალაქ ვისკოში, გაატარა. პატარაობიდანვე განსაკუთრებული ნიჭით გამოირჩეოდა და ექვსი წლისა პირდაპირ მეორე კლასში ჩაირიცხეს.

ზღვის პირას გაიზარდა იგი,

მაგრამ სხვა ბიჭებზე მეზღვაურობაზე არ უოცნებია. მას უფრო ცა იტაცებდა. ამის მიზეზი ალბათ ისიც იყო, რომ ქუჩაში ხშირად ხედავდა უძველესი საფრენოსნო-საავიაციო სასწავლებლების კურსანტებს. ბევრი ცნობილი მფრინავი მის ოჯახთანაც შეგობრობდა.

1940 წელს მან აქტიური მონაწილეობა მიიღო ფინეთთან ომში და მერე საცხოვრებლად ჩრდილოეთ კავკასიას მიამუშრა. დიდმა სამამულო ომმა აქ მოუხწრო ანანიაშვილების ოჯახს, რომელიც 1941 წლის ოქტომბერში მოსკოვში დამკვიდრდა. მამა მოსკოვის სამხედრო აკადემიაში გაგზავნეს სასწავლებლად, ხოლო ბორისი ბებიასთან ერთად თბილისში გადმოვიდა საცხოვრებლად.

აქ 1943 წელს, 15 წლის ბორისმა, საშუალო სკოლა დაამთავრა, მაგრამ მფრინაობაზე მის ოცნებას აღსრულება არ ეწერა — ასაკის გამო უარი უთხრეს.

დრო რომ არ დაეკარგა, თბილისის სახელმწიფო უნივერსიტეტის ფიზიკა-მათემატიკის ფაკულტეტზე შეიტანა საბუთები. მათემატიკა მისი საყვარელი საგანი იყო და მან უმაღლეს სასწავლებელშიც წარმატებით განაგრძო სწავლა.

სწავლა, რა თქმა უნდა, არ გასჭირვებია, მხოლოდ ქართული ენა გაუძნელდა, ვინაიდან ოჯახში ძირითადად რუსულად ლაპარაკობდნენ. შეღავათებით არ უსარგებლია. საქმე იქამდე მივიდა, რომ ბორისი პედაგოგის სახლშიც დადიოდა დამატებითი გაკვეთილებისათვის. ასეთმა მოწადინებამ კარგი შედეგი გამოიღო.

1944 წელს ფიზიკა-მათემატიკის ფაკულტეტის პირველი კურსის დახურვის შემდეგ, 16 წლის ბორისმა ისევ სცადა საფრენოსნო სკოლაში შესვლა და კვლავ უარი მიიღო. ლამის სასოწარკვეთილებას მიეცა. საბედნიეროდ, მეზობელმა ოთარ ახვლედიანმა, იმ წელს რომ აბარებდა გამოცდებს კასპის უმაღლეს სამხედრო-საზღვაო სასწავლებელში, შეაგულიანა ბორისი, წაჰყოლოდა ბაქოში და მასთან ერთად ჩაებარებინა გამოცდები, რათა შემდგომში საპაერო სასწავლებელში გადასულიყო. 1944

წელს ბორისი საზღვაო სასწავლებელში ჩაირიცხა.

მომავალ მეზღვაურს ცაზე ოცნება მაინც არ შეუწყვეტია. ომის დამთავრების შემდეგ, 1946 წელს, საპაერო სასწავლებლების რიცხვი შემცირდა და იგი სამუდამოდ დაემშვიდობა სანუკვარ ოცნებას. გავიდა ხანი, ნელ-ნელა შეიყვარა საზღვაო ფლოტში სამსახური. მას, ალბათ, იმ გარემოებამაც შეუწყო ხელი, რომ სასწავლებლის მაშინდელი უფროსი ქართველი იყო — პირველი რანგის კაპიტანი, გვარდიის საზღვაო ქვეითი ბრიგადის მეთაური კონსტანტინე დავითის ძე სუხიაშვილი, რომელსაც 1945 წელს კონტრ-ადმირალის წოდება მიენიჭა. ეს დიდი სულისა და გულის ადამიანი ზედმიწევნით ერკვეოდა საზღვაო საქმეში. კურსანტებს იგი ძალიან უყვარდათ. მეორე კურსის სტუდენტი ბორის ანანიაშვილი ჯერ განყოფილების, შემდეგ კი ოცეულის მეთაურად დაინიშნა. სულ მოკლე დროში მას პირველი ხარისხის ზემდეგის წოდება მიენიჭა.

აქ, კასპის უმაღლეს სამხედრო-საზღვაო სასწავლებელში, როგორც აქტიური კომკავშირელი, კომუნისტური პარტიის წევრობის კანდიდატად მიიღეს. სასწავლებელშივე გადაეცა პირველი სახელმწიფო ჯილდო მედალი „1941-1945 წლების დიდ სამამულო ომში ფაშისტურ გერმანიაზე გამარჯვებისათვის“.

რაკი გადაწყვიტა, თავისი ბედი ზღვასთან დაეკავშირებინა, ყველაზე რთული პროფესია — წყალქვეშა ნავზე სამსახური აირჩია.

1948 წელს, სასწავლებლის დამთავრების შემდეგ, ანანიაშვილი ბალტიისპირეთის ფლოტში ერთ-ერთ წყალქვეშა ნავზე განაწესეს. აქ ჩამოყალიბდა იგი როგორც ოფიცერი, მეთაური და პედაგოგი. ბედმა მას წილად არგუნა კიდევ ერთ შესანიშნავ თანამემამულესთან შეხვედრა და მისი ხელქვეითობა. ეს იყო პირველი რანგის კაპიტანი, საბჭოთა კავშირის გმირი ი. კ. იოსელიანი.

ბალტიკაზე, 1948 წლიდან 1954 წლამდე, მან სახელოვანი გზა განვლო საბრძოლო ნაწილის მეთაურიდან წყალქვეშა ნავის მეთაურის უფროს თანამემამულედ. 1949 წელს სკკპ წევრი ხდება. ამ დროს

ფლოტის გაზეთმა ჩვენს თანამემამულეს, როგორც წარჩინებულ ოფიცერს, მთელი გვერდი მიუძღვნა სათაურით: „ახალგაზრდობიდანვე გაუფრთხილდი ღირსებას“. მეგობრები და უფროსები მის პიროვნებაში დიდად აფასებდნენ შრომისმოყვარეობას, საქმის ცოდნას, თავმდაბლობას, სიტყვისა და საქმის ერთიანობას.

ლენინგრადში ერთწლიანი სწავლების შემდეგ წყნარი ოკეანის ფლოტის წყალქვეშა ნავის მეთაურად დაინიშნა. შემდეგ ისევ ჩრდილოეთის ფლოტი, ისევ სწავლა, ახალი „საზღვაო უნივერსიტეტის“ გავლა.

1965 წელს წარჩინებით დამთავრა ლენინგრადის სამხედრო-საზღვაო აკადემია და ჩრდილოეთის ფლოტში განაგრძო სამსახური.

28 წელი შეაღია ჩრდილოეთის ფლოტს, საზღვაო ნაწილების განმტკიცებას, საბრძოლო მზადყოფნას. წყალქვეშა ნავმა, რომელსაც იგი მეთაურობდა, მრავალჯერ დაიმსახურა სსრკ სამხედრო-საზღვაო ფლოტის მთავარსარდლობის პრიზები. ჩრდილოეთის ფლოტის გაზეთს არაერთხელ აღუნიშნავს მისი ეკიპაჟის წარმატებები.

1978 წელს ბორის ანანიაშვილს კონტრ-ადმირალის სამხედრო წოდება მიენიჭა. მისი თავდადებული სამსახური სამხედრო-საზღვაო ფლოტში აღინიშნა „წითელი ვარსკვლავისა“ და „სსრკ შეიარაღებულ ძალებში სამშობლოს სამსახურისათვის“ III ხარისხის ორდენებით, მრავალი მედლით, სიგელითა და დიპლომით.

დასასრულ, რამდენიმე სიტყვა ადმირალის ოჯახზე. 1957 წელს მან იქორწინა ლენინგრადელ ქალიშვილზე — ნინა გიორგის ასულზე, რომელმაც ლენინგრადის ბლოკადა გადაიტანა და მრავალი ჯილდო დაიმსახურა. მათ ორი შვილი ჰყავთ: ალექსანდრე და ანდრო. ძმები დღეს თადარიგის ოფიცრები არიან. მსახურობენ საპასუხისმგებლო თანამდებობებზე.

სახელოვანი ქართველი ადმირალი თავისი ოჯახით დიდი ლენინის ქალაქში ცხოვრობს.



# კვირი

ინგლისელი სტეფან პილი მრავალი წლის მანძილზე იწერდა დედამიწის ზურგზე მომხდარ უმთავრესებს, ყველაზე მარცხიან შემთხვევებს მსოფლიოში. ასე შეიქმნა კვირიანების წიგნი. მათგან რამდენიმეს ვთავაზობთ მკითხველს.

## ქველი პირის აღება

ინგლისის ქალაქ მარგეიტში ძველი პირსია (ზღვაში შეჭრილი ნაგებობა გემების მისადგომად). 1978 წელს სანაპიროს რამდენჯერმე თავს დაატყდა მძვინვარე შტორმი. ქალაქის ხელისუფლებამ ივარაუდა, ეს ქარიშხალი ამ ძველ პირსს ძირფსვიანად შეარყევს და გადაწყვიტა მისი აღება.

მომდევნო წლის დამდეგს მენადმეთა რაზმმა სათანადო აღვილებში ჩადო საკმაო ასაფეთქებელი ნივთიერება და ააფეთქა... აფეთქებამ ცამდე აწიდა უზარმაზარი წყლის სვეტი. პირსი კი ნირშეუცვლელად იდგა.

მეორედ აფეთქების დროს პირსის მახლობლად მდგარი ლუდხანის სახურავზე დახვავდა რკინის ნაქარ-ნუქარი, რაც მრავალი წლის მანძილზე წყლის ფსკერს დაეღებოდა. პირსი მინც ისევ-ისევ იდგა...

მომდევნო ამაო ცდის შემდეგ, ამფეთქებლებმა მას თავი მიანებეს. მოვიდა ახალი რაზმი. ისევ აფეთქება?... პირსის სულ ბოლოში მდგარი სახლი ოღნავ გვერდზე გადაიხარა. თვით პირსს კი ნირს რუღლიადაც არ უცვლია.

ბოდა, ქალაქის ხელისუფლებამ ხელი აიღო მის აღებაზე.

## ბანკის გაპარტა

შოტლანდიის ქალაქ როტსეიში როიალ ბენკ ოფ სკოტლანდის გასაძარცვავად სამი მამაკაცი გაემართა. მაგრამ მბრუნავ კარებში გაიჩხირნენ. თანაც ისე სახიფათოდ, რომ ბანკის მთელმა პერსონალმა ძლივს გაათავისუფლა.

მძარცველებმა მადლობა გადაუხადეს ბანკის მომსახურეებს და წავიდნენ.

რამდენიმე წუთში კი უკანვე დაბრუნდნენ და განაცხადეს: ბანკის გაძარცვა გვიწოდოდა. არც ერთმა თანამშრომელმა არ დაიჭრა. როდესაც მათ ხუთასი ათასი სტერლინგი მოსთხოვეს, ამის გამგონე მოლარეს ჰომერული სიცილი აუტყდა.

ამგვარი რეაგირებით შეცბუნებულმა ბანკის მეთაურმა პირველი მოთხოვნა ხუთას გირვანქა სტერლინგამდე შეამცირა, მეორე — ორმოცდაათამდე, ხოლო ბოლოს — ორმოცდაათ პენსამდე, ანუ ნახევარ გირვანქამდე დავიდა. მოლარე მაინც ხარხარს განაგრძობდა.

მაშინ ერთი ბანკიტაგანი ბარიერს გადაეცლო, რომ ფულის დასტისათვის ეტაცა ხელი. ისე უხერხოდ დაენარცხა, რომ ფეხი მოიტეხა. დანარჩენი ორი მძარცველი გაქცევას შეეცადა, მაგრამ კვლავ... მბრუნავ კარებში გაიჩხირნენ, საიდანაც ისინი გამომხებულ პოლიციელთა ჯგუფმა „დაიხსნა“.

## პარსიანი ბები

ზღვაში პირველად შეცურვისთანავე გემი, რომელსაც „არგომერჩიტი“ დარქვეს, ერთ უთქმელ ვაივაგლახში ვარდებოდა.

ჭერ იყო და, რვა თვის მოუნდა იაპონიიდან

ამერიკის შეერთებულ შტატებამდე მსაჯულნიკის ხელი იაპონიის ხომალდს დაეჭაბა, სამჯერ განადგურდა და იძულებული გახდა, ხუთჯერ სარემონტოდ დამდგარიყო.

ერთხელაც ეკიპაჟი აჯანყდა. ცოტა ხნის შემდეგ გემი ბორნოს კუნძულის მახლობლად ვაირიყა. შემდგომ წლებში ჭერ კიურასაოში არემონტებდნენ, მერე კი სიცილიასთან ავარია მოუხდა და ბუქსირით წაიყვანეს ნიუ-იორკში.

ექვსჯერ აუფეთქდა ორთქლის ქვაბი. ერთხელ აუცილებელი გახდა ორი წითელი ფარისი ანთება იმის ნიშნად, რომ ეკიპაჟს არ ძალუძდა გემის ადგილიდან დაძვრა — მექანიზმი მწყობრიდან გამოსულიყო.

„საკადრისად“ რომ დაესრულებინა თავისი მოღვაწეობა, „არგომერჩიტი“ საბოლოოდ წყალქვეშა კლდეს დაეჭაბა და ჩაიძირა კეპკოლის კონცხთან. ჩაიძირა და ზედაპირზე ნავთობის ვეება ლაქა დატოვა.

## წარუმატებელი საქტაკლი

წარუმატებელი სპექტაკლებისათვის საპრიზო ადგილების მრავალი პრეტენდენტი, მაგრამ, ყველა მონაცემის მიხედვით, ელუარდ ფალკონერს, ალბათ, პირველი ჭილდო ეკუთვნის.

შეღვა მისი სპექტაკლის „ლისმონდელი მიქნურების“ პრემიერა. დღეობა საზოგადოებამ მოიყარა თავი.

სპექტაკლი სადამოს რვის ნახევარზე დაიწყო და გაუთავებლად გაქიანურდა. თერთმეტ საათზე ხალხის ნაწილი დაიშალა. შუალაშე გადავიდა და სპექტაკლი მაინც გრძელდებოდა. ახლა უკვე მაყურებელთა უმრავლესობა მოქნარებით მიემართებოდა შინსაკენ. ღამის ორი საათისთვის დარბაზში დარჩნენ მხოლოდ კრიტიკოსები და ის პირები, რომელთაც ღამის გასათევი არ ჰქონდათ. სამ საათზე შეიკრიბნენ სცენის მუშები და გაცხარებულ კამათში დაადგინეს სპექტაკლის შეწყვეტა.

თარგმან: შოთა ამირანაშვილი.

# პირსიანული სიზუსტა

ფრანგ მწერალს პროსპერ მერიმეს უთქვამს: ისტორიაში მხოლოდ ანეკდოტები მინტერესებდა. ისინი საუკეთესოდ გამოხატავენ ხალხის ზნე-ჩვეულებებს. უთუოდ ამით დაინტერესდა ჯაჭუჯორჯიაც — მწერალი, პედაგოგი, საზოგადო მოღვაწე, უცხოეთში განსწავლისა და მოგზაურობის დროს ანეკდოტებსა და ნაკვესებს რომ აგროვებდა. მათგან არჩევდა საუკეთესოებს და თარგმნიდა მშობლიურ ენაზე. ქვემოთ მკითხველს ვთავაზობთ რამდენიმე ასეთ ნიმუშს.

ყველა გაოცდა, როდესაც ერთ ლამაზ, მდიდარ ქალს ქმარი გაშორდა.

ქმარმა, რომელიც ამ თემაზე საუბარს შეესწრო, ფეხი წამოსწია და თქვა:

— ხომ ხედავთ, რა ლამაზი ფეხსაცმელია, მაგრამ არავინ იცის, რა ადგილას მიჭერსო.

ლუდოვიკო მეთოხმეტემ ჰერცოგ ვიკონსს ვერსალის სასახლე აჩვენა და უთხრა:

— უწინ აქ ქარის წისქვილი იდგაო.  
— დიახ, მეფევი! წისქვილი, მართალია, აიღეს,

მაგრამ „ქარი“ მაინც დარჩენილა. — მიუგო ვიკონსმა.

მალერბს — ფრანგ პოეტს, ერთი ძმა ჰყავდა. მის წინააღმდეგ სასამართლოში საჩივარი აღძრა.

— კაცო, არ გრცხვენია, რომ ძმას ელაკები? — ჰკითხა ვილადამ.

— აბა, ვის უნდა ვეღავო? — თურქთან ან ჩინელთან გასაყოფი რა მაქვსო, — უპასუხა მალერბმა.

ერთ შემოიღეს გზაზე მღვდელი შეხვდა. შემოიღომა ხანჯალი იძრო და დაიყვირა:

— დღეი ხანია, რაც მღვდლის მოკვლა გულში მაქვს ჩადებულიო.

— მიზანს ვერ მიადწევ, შვილო, რადგანაც ჭერ მხოლოდ დიაკონი ვარ, — თავი გადაიჩინა მოხერხებულმა მღვდელმა.

მღვდელმთავარმა მარხვის დროს ხორცი შექამა. მეორე ლუკმის გადაყლაპვისას მსახურმა მიიძახა:

— დღეს ხომ მარხვაა, მამაო!

მღვდელმთავარმა სილა გააწნა და უთხრა:

— საძაგელო, ეგ ან აღრე გეთქვა, ან ცოტა მოგვიანებითო.

მძაფრი, პოლიტიკური დისკუსიის შემდეგ, ორი მოწინააღმდეგე ერთმანეთს დუელში შეხვდა. ერთ-ერთი მათგანი დაიჭრა და გამარჯვებულს დაუთინებთ შესძახა:

— ძღუელი ვარ, მაგრამ შენი აზრის წინააღმდეგი მაინც ვრჩებიო.

ფრანგი დიპლომატი ბოტრიუ სიცხეში ქუდ-მონდილი მიჭვებოდა ჰერცოგ გასტონ ორლეანელს.

ჰერცოგი ბოტრიუს არწმუნებდა, მეგობრები გულთბილად მიუვარსო.

— ამას, ბატონო, ჩემს თავზე ვგრძნობო, — უპასუხა ბოტრიუმ.

ვოლტერმა მორიგოზე თქვა:

— ეს კაცი ადამიანის გულთან მიმავალ ყველა ბილიც იცნობს, შარავნებში კი ვერ ერკვევაო.

მღვდელმთავარმა დესბარომ პარასკევს მარხვა დაარღვია და ტაფამწვარი მიირთვა. სწორედ ამ დროს საშინელი ქევა-ქუხილი ატყდა. გულმოსულმა დესბარომ ჰამა შეწყვიტა, ფანჯარა გამოაღო და ტაფამწვარი გადაუშვა. თანაც ხმამალა ჩაიბუზღუნა:

— შე დალოცვილო, ღმერთო, განა ამ უხეირო ტაფამწვარისათვის ამდენი აურ-ზაურის ატეხა ღირდაო?!

ფრანგი მოაზროვნე ვუატერი ამბობდა: სილამაზე ის სარეკომენდაციო წერილია, რომელსაც ბუნება თავის შეყვარებულს აძლევსო.

პოსს ჰკითხეს, ინგლისელ ფილოსოფოსს:


— ამდენი მეგობარი როგორ შეიძინეთ?

— მხოლოდ და მხოლოდ აქსიომის მოშველიებით. აქსიომა გვეუბნება, რომ ყველაფერი დასაშვებია და ყველა მართალია, — უპასუხა პოსმა.

შეპირება ჯიშვირ მუჭირმა.



## მოდების სასასრო ქალაქი



**თარაგულად:** 5. ქართველი მწერალი, რაფიელ ერისთავის და; 7. საკომპიუტერო წარმოების ნოვატორი ქალი, ორგანოს სოციალისტური შრომის გმირი; 8. თვითმმართველობა; 11. სიმებიანი საკრავი; 14. ლამაზი, მომხიბვლელი ქალი; 16. ქართველი მსახიობი — ა. ცაგარელის მეუღლე; 17. ქართველი მოქაღრავე ქალი; 18. რუსი ფერმწერი — მართა სოლოლაშვილის პორტრეტის ავტორი; 20. ქიმიური ელემენტი, კეთილშობილი ლითონი; 21. ინგლისის ქალაქი; 23. ღიად დატოვებული სივრცე ნაგებობაში; 27. ქალის მხრებზე ბეწვის ან ხავერდის წამოსასხამი; 28. სხვადასხვა ნარევის მოსამზადებელი მანქანა; 29. საბჭოთა კოსმონავტი.

**შვეულად:** 1. თოხმეტსტრიქონიანი ლექსი; 2. სამკაული; 3. ქართველი მსახიობი, დრამატურგი და რეჟისორი; 4. ინდური ხურმა; 6. ნიკარაგუის დედაქალაქი; 9. ენათმეცნიერების ნაწილი; 10. სცენის მოწყობილობა; 11. გერმანელი კომუნისტი ქალი; 12. ტუის ბალახი; 13. ტექნიკური ესთეტიკა; 15. ბრიტანეთის კუნძულების უძველესი სახელწოდება; 19. მამაკაცის ქანდაკება, რომელსაც ეყრდნობა შენობის, კარიბჭის და სხვა სახურავი; 22. შექსპირის ტრაგედიის პერსონაჟი; 24. ბრაზილიელ ქალთა მოძრაობის და მშვიდობის მსოფლიო მოძრაობის მოღვაწე ქალი „ხალხთა შორის მშვიდობის განმტკიცებისათვის“, ლენინური პრემიის ლაურეატი; 25. პირბადე; 26. ხლართი.

შეადგინა მეთევან ჭურღოვანიძემ.

### მე-2 ნომერში გამოქვეყნებული კროსვორდის პასუხები:

**თარაგულად:** 3. ასტრონომია; 8. პასკალი; 9. კრატერი; 10. აკაი; 11. ეკლესია; 13. თიანეთი; 15. კამა; 17. ეტლი; 18. ოინი; 19. თერმოსტატი; 22. წიკი; 23. ცინა; 24. იოდი; 25. მიტკალი; 27. ოკაიამა; 29. მუმუ; 31. ალგებრა; 32. რელიგია; 33. ფილადელფია.

**შვეულად:** 1. არმია; 2. გორკი; 4. სკამი; 5. იგავი; 6. ჰამლეტი; 7. ორლენანი; 12. საიათნოვა; 14. ასოციაცია; 15. კარმენი; 16. აპატიტი; 20. წერტილი; 21. ანთალია; 26. ლიბრი; 28. კალცი; 29. მარო; 30. ურალი.

გარეკანის პირველსა და მეოთხე გვერდებზე: თენგიზ სამსონაძის ნამუშევრები.

გადაეცა წარმოებას 15. 01. 88. ხელმოწერილია დასაბუქდად 29.02.88. უე 09241 ქალაქის ზომა 70x108/8. გარეკანი, ჩანართი და ტექსტი იბეჭდება ოფსეტური წესით. ფიზიკური ფურცელი 3, პირობითი ნაბეჭდი ფურცელი 4,2, საადრიცხვო-საგამომცემლო თაბახი 5,69. ტირაჟი 50.400 შეკვეთა 91. ფასი 35 კაპ.

380096, თბილისი, ლენინის ქ. № 14, საქართველოს კპ ცკ-ის გამომცემლობის სტამბა.

Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии.

Адрес редакция: 380008, Тбилиси, 8, пр. Руставели, 42.

გასული წლის სექტემბერში პარიზის სახელგანთქმულმა მოდების სახლებმა, ჩვეულებისამებრ, მომავალი წლის ახალი კოლექციები წარმოადგინეს. კვლავინდებურად წარმატებით გამოვიდნენ ფრანგული მოდის საუკეთესო წარმომადგენლების — ჩვენში კარგად ცნობილი გაბრიელ შანელისა და კრისტინ დიორის ფირმები.

გაბრიელ შანელი ჩვენი საუკუნის 20-იან წლებში პარიზის მაღალი კლასის მოდის „ოტ-კუტიურეს“ ერთ-ერთი ლიდერი გახდა და თავისი უზადო გემოვნებისა და უაღრესად პრაქტიკული ნიჭის წყალობით ეს წოდება მთელი თავისი ხანგრძლივი სიცოცხლის მანძილზე შეინარჩუნა (გარდაიცვალა 87 წლის ასაკში). მას მეოცე საუკუნის ჩაცმულობის რეფორმატორსაც უწოდებენ, რადგან ფრანგულ მოდაში სისხლადვე შეიტანა. მის მიერ დამკვიდრებული ბევრი სიახლე ჩაცმულობაში დღემდე არ გამოდის მოდიდან. იგი სასიამოვნო გარეგნობისა იყო და ხშირად თვითონვე გამოდიოდა საკუთარი იდეებისა და მოდელების გამავრცელებლად. გაბრიელ შანელმა პირველმა უარყო კორსეტი, ჩაიცვა შარვალი და ნაქსოვი პულვერი-სვიტერი. მანვე პირველმა გამოიყენა ტანსაცმელში ტრიკოტაჟი და იაფფასიანი სამკაულები (ხელოვნური მარგალიტი, ძეწკვი და სხვა), მოკლედ შეიჭრა თმა და შიშო გარუჭული გამოჩნდა საზოგადოებაში.

შანელი არასდროს არავის ჰბაძავდა, მაგრამ ასევე შეუქმლებელი იყო მისი მიზაძევე, რადგან საკუთარი მოდელები მკაფიოდ გამოხატული სტილითა და ხასიათით გამოირჩეოდა. მისთვის არასდროს უღალატია გემოვნებას.

მანც რა არის ყველაზე ნიშანდობლივი შანელის კოსტიუმებისათვის? უპირველესად ყოვლისა, ანსამბლურობა. იგი ყოველთვის რამდენიმე ნაწილისაგან შედგება. ყველა მოდელი, როგორც წესი, გაწყობილია კანტით, ლილვითა და ჯიბეებით. სამკაულად უმეტესად იყენებს ხელოვნური მარგალიტის ყელსაბამს, ძეწკვს და სხვადასხვა ფორმისა და ზომის დეკორატიულ ბალთასა და ქინძისთავს, რაც ანსამბლს დასრულებულ სახეს აძლევს.

— მოდურად ჩაცმა იოლია, კარგად ჩაცმა კი რთული. იყო კარგად ჩაცმული — ეს გონების გამარჯვებაა გრძნობაზე. — ხშირად იმეორებდა იგი. დიდი პოპულარობით სარგებლობდა აგრეთვე გამოჩენილი ფრანგი მოდელიორი კრისტინ დიორი, რომელმაც მხოლოდ 10 წელი უხელმძღვანელა ფირმას, მაგრამ ისეთ წარმატებებს მიაღწია, რომ მაღლიერმა ფრანგმა ხალხმა ნიშნად ღრმა პატივისცემისა, მონტენის ქუჩაზე, იქ სადაც ფირმა „დიორი“ მდებარეობს, მისი სახელი ამოკვეთა. კრისტინ დიორი ფლობდა ფრანგული სკოლის ყველა კარგ ტრადიციას. მისი ყველაზე უბრალო კაბაც კი ხელოვნების ქეშმარიტ ნიმუშს წარმოადგენს. დიორმა პირველი კოლექცია 1947 წელს უჩვენა პარიზის საზოგადოებას.

ეს წარმატება შემთხვევითი არ იყო. ნიჭიერმა მხატვარმა უტყუარი აღლოთი შეიქმნა დრო, მისი ეკონომიკური შესაძლებლობანი, მკაცრი, ერთფეროვანი, ომისდროინდელი ცხოვრებით დაღლილი ხალხის სწრაფვა სიღამაზისა და ფუფუნებისაკენ. მან ქალის კაბას ქალურობა დაუბრუნა. ომისდროინდელი მოკლე კაბების გოლიათურ მხრებს სახმრები მოხსნა, ქვედა ბოლო ირიბი თარგით გააგანირა და კაბა 25 სანტიმეტრით დააგრძელა. მსოფლიომ ახალი მოდა აღიარა და ხალხით მიიღო. დიორი გარდაიცვალა 1958 წელს, მაგრამ მის სახელს არც სიკვდილის შემდეგ მოკლებია პატივი და დიდება. ამის დასტურია ის ფაქტიც, რომ მისი ნამუშევრები გამოფენილია ლუვრში — სახვითი ხელოვნების უდიდესი შედეგების გვერდით.

ფირმები „დიორი“ და „შანელი“ სიცოცხლეს განაგრძობენ...



### ლეილი ხვედელიძე,

ჟურნალ „მოდას“ რედაქტორი. პარიზი, სიმბაზმარი, 1987 წ.

### რედაქციის მისამართი:

380008, თბილისი 8, რუსთაველის პრ. 42. ტელეფონები: მთავარი რედაქტორის — 99-54-66, პ/მგ. მდივნის — 99-82-69, განყოფილებათა გამგეების 93-28-42, 99-01-39, რედაქციის სამდივნოსი — 99-54-66.

რედაქციაში შემოსული მასალა ავტორს არ უბრუნდება.



683/59




საქართველოს  
საბავშვო ჟურნალი

ბავშვა  
1972 - აპრილი - №4

ჟურნალ „დიას“ ყდა

შემოდგომა სოფელში

ქართული ხალხური ზღაპრის ილუსტრაციები.



„ბერიკაობა“  
ესკიზი გობელენისათვის

